

卷一



第二

冊

濟南府志卷四十七

人物三

唐

李義滿齊州平陵人屬隋亂糾合宗黨保固村閭外盜不敢侵逼以功累授齊郡通守武德初遠申誠款詔以其宅為譚州治仍拜為總管封平陵郡公子君球

李君球義滿之子少任俠頗涉書籍貞觀中齊州都督齊王祐據州城舉兵作亂君球與兄子行均守縣城事平太宗聞而嘉之擢授游擊將軍仍改其本縣為全節縣君球累補左驍衛義全府折衝都尉龍朔三年高宗將伐高麗君球上疏切諫書奏不納尋遷蔚州刺史未行改興州累遷揚州大都督府長史政尙嚴肅人吏憚之盜賊屏迹高宗頻降書勞勉時吐谷渾犯塞以君球素有威重轉靈州都督旋卒官

濟南府志

卷四十七

人物三

元和郡縣志全節縣本是隋末土人李滿率鄉人據堡贍以家財武德二年歸國於堡置譚州及平陵縣以滿為譚州總管貞觀元年廢譚州以平陵縣屬齊州十七年燕亮搆之謂燕亮也與齊王祐謀殺權萬紀而舉兵者滿及男君球固守賊平縣廢有詔重置改名全節以旌其功焉

按唐代諸書皆言譚州及平陵縣並置於李滿之堡而漢東平陵不聞有所更置蓋古城之空廢久矣歷城志云全節之平陵在東平陵城西北十五里此語致確特謂齊王祐國於東平陵似不確也



房繼伯於齊王祐之反據縣不從抗表以聞太宗勅曰齊州平陵縣百姓爰自隋末以至於今常懷忠誠不從寇亂宜加優獎以旌義烈其縣可依舊置改名全節

按房繼伯蓋與李滿父子同時共事史雖不載大抵亦是清河之族東州房氏多出於房諶唐宰相世系表云房諶隨慕容德南遷因家濟南北史房法壽傳云房諶隨慕容氏遷於齊子孫因家之遂爲東清河繹幕人法壽者諶之曾孫而彥謙之高祖也房繼伯定是彥謙之近族或曰宰相世系表何以不載曰表止載宰相一門耳彥謙有伯父豹及諸兄弟表中且不及之况繼伯耶

房元齡彥謙子也幼警敏貫綜墳籍善屬文書兼草隸開皇中天

濟南府志

卷四十七 人物三

二

下混壹皆謂隋祚方永元齡密白父曰上無功德徒以周近親妄誅殺攘神器有之不爲子孫立長久計消置嫡庶競侈僭相傾闖終當內相誅夷視今雖平其亡跬可須也彥謙驚曰勿妄言年十八舉進士第授羽騎尉校秘書省吏部侍郎高孝基謂人曰此郎當爲國器恨不見其聳壑昂霄云補隰城尉坐累徙上郡太宗以燉煌公狗涓北杖策上謁軍門一見如舊署涓北道行軍記室參軍公爲秦王卽授府記室封臨淄侯征伐未嘗不從衆爭取怪珍元齡獨收人物致幕府與諸將密相申結人人願盡力王嘗曰漢光武得鄧禹門人益親今我有元齡猶禹也居府出入十年軍符府檄或駐馬卽辨高祖曰若人機識是宜委任每爲吾兒陳事千里外猶對面語太宗卽位爲中書令

第功班賞功居第一進爵邢國公食邑千三百戶淮安王神通
曰義師起臣最先今元齡等以刀筆吏居第一臣所未喻帝曰
叔父兵誠先至然元齡等有決勝帷幄定社稷功此蕭何所以
先諸將也進尙書左僕射更封魏帝嘗問創業守成孰難元齡
曰方時草昧羣雄爭逐攻破乃降戰勝乃克創業則難魏徵曰
王者之興必乘衰亂覆昏暴始天授人與者旣得天下則安於
驕逸人欲靜徭役毒之世方敝哀刻窮之國錄此衰則守文爲
難帝曰元齡從我定天下冒百死週一生見創業之難徵與我
安天下畏富貴則驕驕則怠怠則亡見守文之不易然創業之
不易旣往矣守文之難方與公等慎之徙爲梁國公居宰相位
十五年女爲王妃男尙主自以權寵隆極累表辭位詔不聽會

濟南府志

卷四十七

人物三

三

伐遼留守京師晚節多病帝又將伐高麗元齡上疏極諫帝得
疏曰是已危悛尙能憂吾國事親握手與訣薨年七十一贈太
尉并州都督謚曰文昭陪葬昭陵

章邱縣志云新舊唐書載元齡齊州臨淄人不志縣名考唐

書天寶七年始改濟南爲臨淄郡五載又更名濟南貞觀之

世無臨淄郡又宰相表元齡字喬松皆足以證本傳之疎謬

秦瓊字叔寶以字行歷城人隋大業中爲來護兒帳內喪母護兒

遣使弔之軍吏怪曰士卒遭喪者將軍未嘗降問獨弔叔寶何

也護兒曰此人勇悍有志節豈得以卑賤處之俄從張須陁擊

賊盧明月於下邳賊眾十餘萬須陁所統才什一勢不敵去賊

六七里立柵相持十餘日糧盡將退謂諸將士曰賊見兵卻必

輕來追我其衆旣出營內卽虛若以千人襲營可有大利誰爲
吾行者人皆莫對惟叔寶與羅士信請行於是須陀委柵遁使
二人分領千兵伏蘆葦間旣而明月果悉兵追之叔寶與士信
馳至其柵柵門閉不得入乃升樓拔賊旗幟各殺數人卽斬關
納外兵縱火焚三十餘柵明月奔還須陀又回軍奮擊明月以
數百騎遁去後又從須陀擊李密軍敗須陀死叔寶附表仁基
仁基以降李密密大喜待之甚厚及與宇文化及戰密中矢墜
馬左右奔散惟叔寶獨扞衛之得不死追兵且至叔寶收兵力
戰化及乃遁去後密敗叔寶爲王世充所得與程咬金計曰世
充多詐數與下咒誓乃巫嫗非撥亂主也約俱西走降於唐高
祖令事秦王府太宗素聞其勇厚加禮遇拜馬軍總管戰美良

濟南府志

卷四十七人物三

四

川功最多高祖使以金瓶勞之曰卿不顧妻子遠來投我又立
功茲使朕肉可食當割以啖卿况子女玉帛乎授秦王右三統
軍從破宋金剛於介休授上柱國從討世充每爲先鋒太宗將
拒竇建德於武牢叔寶以精騎數十先陷其陣世充平進封翼
國公賜黃金百斤帛七千段從平劉黑闥賞物千段每從太宗
征伐敵中有驍將銳卒炫耀出入以誇衆者太宗輒命叔寶往
取叔寶躍馬負鎗刺於萬衆中莫不如志太宗以是益重之叔
寶亦以自負及從誅建成元吉拜左武衛大將軍食實封七百
戶後多病曰吾少長戎馬經二百餘陣出血亦數斛矣安得不
病貞觀十二年卒贈徐州都督陪葬昭陵太宗特令所司就其
塋內立石人馬以旌戰功十三年改封胡國公十七年與長孫

无忌等圖形凌烟閣

羅士信齊州歷城人隋大業時長白山賊王薄左相才孟讓攻齊郡通守張須陁率兵擊賊士信以執衣年十四短而悍請自效須陁疑其不勝甲少之士信怒被重甲左右韃上馬顧盼須陁許之擊賊濰水上陣方列執長矛馳入賊營刺殺數人取一級擲之承以矛戴而行賊皆眙懼無敢充須陁乘之大破賊士信逐之每殺一賊輒劓鼻納諸懷暨還驗以代級須陁歎伏遣以所乘馬凡戰須陁先登士信副以爲常煬帝遣使慰之又圖須陁士信陣法上內史後須陁爲李密所殺士信與裴仁基歸密署總管俾統所部討王世充見獲於世充世充厚遇之後少疏率所部千餘人降唐高祖拜陝州道行軍總管因謀世充士信

濟南府志

卷四十七

人物三

五

行則先鋒反則殿有所獲悉散麾下有功者或脫衣解馬賜之士以故用命然持法嚴至親舊無少貸師次洛陽攻千金堡堡爲惡言詭軍士信怒夜遣百人載嬰兒號譟堡下詐言東都出奔來投羅總管旣而陽悟曰非也此千金堡耳因散去堡兵開門追掠士信伏入屠之無遺類世充平授絳州總管封剡國公從秦王擊劉黑闥洛水上得一城王君廓戍之賊急攻潰而出王語諸將誰能守此士信曰願以守士信已入賊悉衆攻之會雨雪救軍不得進城陷黑闥欲用之辭色不屈遂遇害年二十八王隱悼購其尸以葬諡曰勇初士信爲裴仁基所禮東都平出家財斂葬北邙以報德且曰我死當墓其側至是果就仁基

墓左葬焉

桓孝才禹城人隋末喪亂孝才立聖於冢側率宗親共守不屬諸賊唐武德初大使崔同就聖築城奏授孝才爲縣令城在源陽河側因以爲縣名

按唐貞觀九年省源陽入禹城桓孝才事禹城新志謂爲水經所言大誤

羅石頭齊州人齊王祐之亂祐募城中男子年十五以上悉發之驅人築堞浚隄繕甲兵人惡之皆夜絕亡去羅石頭數祐罪以刀直前刺祐不克爲所殺詔贈亳州刺史

高君狀齊州野人齊王祐引騎徇邑聚君狀曰上親平寇難土地甲兵不勝計今王以數千人爲亂猶一手搖泰山又如君父何祐擊禽之愧其言不能殺詔擢榆社令

濟南府志

卷四十七

人物三

六

趙寵字廷貴平昌人北齊重平令恢之孫也父遵周安陵尉寵神機早悟檢迹飭躬非禮勿居迨隋運告終操履堅貞未嘗足蹈僞庭仕唐至恒濟二州刺史永徽三年卒年百有六歲葬平昌西原

又按章邱縣舊志以杜伏威闕稜入勇略輔公祐入侃德新志附仕績後然情書載伏威公祐俱東海人稜與伏威同邑則與濟南無涉故不錄

員半千齊州全節人其先彭城劉氏十世祖凝之事宋起部郎及齊篡位奔元魏以忠烈自比伍員因自姓員半千始名餘慶客晉州舉童子房元齡異之對詔高第長與何彥先同事王義方義方曰五百歲一賢者生子宜當之因改今名凡舉八科皆中

咸亨中上書自陳臣家貲不滿千錢有田三十畝粟五十石聞
陛下封神岳舉英豪故鬻錢走京師朝廷九品無葭莩親行年
三十懷志潔操未蒙一官不能陳力歸報天子陛下何惜玉陛
方寸地不使臣披露肝膽乎得天下英才五千與摧所長有一
居臣先當伏死都市書奏不報調武陟尉歲早勸令殷子良發
粟賑民不從及子良謁州半千悉發之刺史大怒囚之於獄會
薛元超持節渡河讓太守曰君有民不能恤使惠出一尉尙可
罪耶釋之俄舉岳牧高宗御武成殿問兵家三陣衆未對半千
進曰臣聞古者星宿孤虛天陣也山川向背地陣也偏伍彌縫
人陣也臣謂不然師以義出沛若時雨得天之時爲天陣足食
約費且耕且戰得地之利爲地陣舉三軍士如子弟從父兄得

濟南府志

卷四十七

人物三

七

人之和爲人陣舍是則何以戰帝曰善旣對策擢高第後厭卑
劇求爲左衛胄曹叅軍使吐番將行武后曰久聞卿名謂爲古
人乃在朝耶境外事不足行宜留待制卽日詔入闕供奉遷司
賓寺主簿宏文館直學士分日待制顯福門下因撰明堂新禮
三卷上之武后封中岳又撰封禪四壇碑十二首以進武后稱
善前後賜絹千餘匹長安中累擢正諫大夫兼右控鶴內供奉
半千以控鶴在古無有而授任者皆浮俠少年非朝廷進德之
選請罷之忤旨左遷水部郎預修三教珠英除棣州刺史復入
宏文館爲學士武三思用事出濠蘄二州刺史半千不顯任吏
常以文雅粉澤故所至禮化大行睿宗初召爲太子右諭德累
封平原郡公表丐骸骨有詔聽朝朝望半千事五君有清白節

年老不衰樂山水自放開元九年游堯山沮水間愛其地遂定
居卒年九十四卽葬焉吏民哭野中

員俶半千孫開元中召能言佛道孔子者答問禁中俶方九歲升
坐詞辨注射帝異之曰半千孫固應爾

何彥先齊州全節人與員半千同事王義方義方死與半千行喪
蔣松柏冢側三年乃去武后時位天官侍郎

歷城縣志云按舊唐書文苑傳半千開元二年卒與新唐書
異未知孰是

崔融齊州全節人擢八科高第累補宮門丞崇文館學士中宗爲
太子時選侍讀典東朝章疏武后幸嵩高見融銘啟母碣歎美
之及已封卽命銘朝覲碑授著作佐郎遷右史進鳳閣舍人時

濟南府志

卷四十七人物三

唐

有司議關市行人盡征之融上疏謂周官九賦其七曰關市以
市多淫巧而關通末游欲止抑之故加稅耳然唯歛工商而不
及往來今一切通取則事不師古細人無所容久必爲亂后納
之張易之誅貶袁州刺史召授國子司業與修武后實錄勞封
清河縣子融爲文華婉朝廷大筆多手敕委之其洛出寶圖頌
尤工撰武后哀冊文最高麗絕筆而死子六人其聞者禹錫中
書舍人翹禮部尙書孫巨石右補闕亦有文曾孫從

崔從字子又少孤貧隱太原山中拾橡實以飯而講學不廢如是
者十年貞元初擢進士第韋臯引爲西山運務使奏遷判官攝
守邛州刺史前有以盜繫獄辭已具從疑其寃縱不治俄得正
盜臯卒劉闢反欲并東川從以書諭止闢募兵嬰城自守元和

初入爲殿中丞遷吏部員外郎九年以右司郎知雜事裴度相爲中丞從氣貌孤峻正色立朝所彈治不屬權幸俄授陝虢觀察使兼御史中丞賜紫金魚袋入爲尙書右丞王承宗請割德棣而遣子入侍憲宗選堪使者以命從惟童奴十餘騎疾趨鎮集軍士毬場宣詔爲陳逆順大節禍福之效音辭暢厲士感動承宗自失貌愈恭至泣下卽按二州戶口符印上之還爲山南西道節度使長慶初拜尙書左丞二年檢校禮部尙書鄜州刺史屬部多神策屯軍吏不能制從一繩以法皆重足畏之四年入爲吏部侍郎尋改太常卿寶歷初爲東都留守召拜戶部尙書求爲太子賓客分司東都復授檢校尙書左僕射淮南節度副大使知節度事揚州凡交易貴產奴婢有貫率錢畜羊有口

濟南府志

卷四十七

人物三

九

算又貿翹牟其贏以佐用度從皆蠲除之太和六年卒贈司空子慎由安潛

崔能從之仲兄從爲中丞奏以自代由將作監授嶺南節度使翼從皆秉節居鎮世傳爲榮子彥曾

崔慎由字敬止聰警彊記資端厚有父風采由進士第擢賢良方正異等累官至刑部戶部侍郎俄進工部尙書同中書門下平章事後爲河中節度使以吏部尙書請老授太子太保分司東都卒贈司空

崔安潛字進之大中三年擢進士第乾符初王仙芝寇河南安潛首請會兵討捕號令精明賊畏之不犯陳許境使大將張自勉將兵七千援宋州收南月城斬賊二千級俄代高駢領西川節

度使更除繆政蜀民以安罷爲太子賓客分司東都詔拜平盧節度使卒贈太子太師

崔彥曾咸通初由太僕卿爲徐州觀察使曉律令然卞急爲政剛猛徐州軍素驕彥會長於撫民短於治軍士多怨之初蠻寇陷交趾詔節度使孟球募兵三千往屯以八百人戍桂林舊制三年一更至期請代彥曾親吏請復留屯一年戍者怒脅判官龐勛爲將取庫兵合衆千餘北還自浙西趨淮南達泗口彥曾命牙將慰勞而伏甲擊賊俄而勛傳城城中大霧如墮賊四面起壻入囚彥曾大彭館殺之贈刑部尚書錄其子祐之爲滎陽尉

按宰相世系表崔氏定著十房有號南祖者其後人隨慕容德渡河居齊郡之烏水號烏水房爲清河太守清河在齊地

濟南府志

卷四十七人物三

十

是今淄川所云烏水卽水經注之黑水今烏河也太守有子靈茂其子孫居全節多有名臣爲宰相者有三人慎由未得展其用別有崔昭緯崔允二人唐書載之姦臣傳忝厥祖矣

崔元暉安平人少以學行稱舉明經爲高陵主簿居父喪盡禮廬有燕巢共乳母盧有賢操常戒元暉曰吾聞姨兄辛元馭云子姓仕宦有言其貧窶不自存此善也若貨貨盈衍惡也吾嘗以爲確論若今爲吏不能忠清無以戴天履地宜識吾意故元暉所守以清白名母亡哀毀甘露降庭樹後累官庫部員外郎鳳閣舍人長安元年爲天官侍郎當公介然不受私謁改文昌左丞不踰月武后曰卿向改職乃聞令史設齋相慶此欲肆其貪耳卿爲朕還舊官復拜天官侍郎三年授鸞臺侍郎同鳳閣平

章事四年遷鳳閣侍郎先是酷吏誣籍數百家元暉開陳其枉
后感憤誓爲原洗崇璟劾張昌宗不軌事元暉頗助璟及有司
正昌宗罪而元暉弟昇爲司刑少卿執論大辟兄弟守正如此
武后與宰相不召見者累月及少閒元暉奏言皇太子相王皆
仁明孝友宜侍醫藥不宜引異姓出入禁闈后慰納以誅二張
功爲中書令博陵郡公武后遷上陽宮顧元暉曰諸臣進皆因
人而元暉我所擢何至是對曰此正所以報陛下也俄拜博陵
郡王罷政事後被貶流古州道卒子璩亦有文終禮部侍郎子

渙

崔渙璩之子博綜經術起家亳州司功叅軍還調於時入判者千

餘吏部侍郎嚴挺之施特揚試彘尊銘謂曰子清廟器故以命

濟南府志

卷四十七

人物三

七

題累遷司門員外郎出爲巴西太守元宗西狩迎謁於道帝見
占奏以爲明治體恨得之晚房瑀亦薦之卽日拜門下侍郎同
中書門下平章事肅宗立赴行在詔爲江淮宣諭選舉使收采
遺逸不以親故自嫌曰抑才虞謗吾不忍爲也旋罷爲左散騎
常侍後累遷御史大夫元載輔政與中官盤結渙疾之因進見
慨然論載奸曰干戈甫定品物思乂載爲相宜明制度易海內
耳目而怙權樹黨毀法爲通鬻恩爲愆附下苟容乃幽國卑主
術臣所未喻帝默然載諷皇城副留守張清因事摘其非貶道
州刺史卒子縱

崔縱渙之子由協律郎三遷監察御史授藍田令縣人立碑頌焉
渙之貶縱棄官就養後爲汴西水陸運兩稅鹽鐵使王師圍田

悅詔餉四節度使檀德宗出奉天方鎮兵未至縱勸李懷光奔命懷光次河中不進縱以金帛先度曰濟者即賜眾趨利爭西遂及奉天遷京兆尹上言懷光反復不情宜備之及帝徙梁州追扈不及左右短縱者謂縱素善懷光殆不來帝曰知縱者朕非爾所料也數日果至授御史大夫自兵興內外官冗濫時議併省縱奏兵未息任進者多緒在官則累遷有功而褒賞不可廢也累除吏部侍郎尋爲河南尹時兵雖定民彫耗縱治簡易蠲畧細苛先是戍邊者道由洛儲備取於民縱始令官辦使五家相保自占發斂以絕胥吏之私又引伊洛之水溉高仰通利呈開人甚宜之入爲太常卿封常山縣公孫碣下數英崔碣縱之孫及進士第遷右拾遺後兩官河南尹有大賈王可久

濟南府志

卷四十七 人物三

三

轉貨江湖閒值龐勛亂盡亡其貲不得歸妻詣卜者楊乾夫咨存亡乾夫內悅妻色且利其富既卜陽驚曰夫殆不還矣卽陰以百金予媒者誘聘之宅年徐州平可久歸見妻乾夫大怒詬逐之妻詣吏自言乾夫厚納賄可久反得罪再訴復坐誣碣至可久陳冤卽勅吏掩乾夫并前獄吏下獄悉發昧姦一日殺之以妻還可久時淫潦獄決而霽民相與歌舞於道焉

按諸崔皆濟南域中古之巨族也崔氏定著十房自崔融以下暨崔彥曾凡六人皆東清河人今淄川縣地所謂烏水房也今

城東南之烏河與淄川接壤其子孫或居全節已散處歷城界固濟南房屬矣自崔元暉以下暨崔碣凡四人加崔昇爲五人皆安平縣人所

謂博陵大房也安平縣在今德州境內州人田侍郎雯作長

河志載州境高真觀前土人掘地得石鐫曰安平縣界未詳
所自據續漢志信都國注云景帝爲廣川宣帝復爲信都後
漢明帝爲樂城順帝改曰安平然則信都廣川樂城安平四
名統屬一地隋以避諱改長河其爲廣川猶是也今德州治
旣爲古廣川長河地而高真觀在州城內西北隅古安平縣
界石在觀前則古安平縣在州境更有何疑乎安平自隋唐
以上或爲國或爲縣後漢有安平國國所統有安平縣有饒
陽縣

注界內堂陽
深澤之屬

漢有安平縣前漢屬涿郡後漢順帝時屬

安平國桓帝時屬博陵郡魏書地形志因之崔元暉四人皆
魏齊巨族故唐書崔元暉列傳云博陵安平人直以舊望言
之非以唐郡縣言之唐之安平縣屬饒陽郡不屬博陵郡可
證也崔元暉與張柬之誅張昌宗兄弟遷武后上陽宮復興
唐室封博陵王其子孫皆名臣較烏水房諸崔尤有光於府

乘矣

濟南府志

卷四十七 人物三

三

高馮字季輔德州人居母喪以孝聞兄元道仕隋爲汲令縣人反
城應賊殺元道季輔率其黨與戰禽之斬首以祭賊衆畏服更
歸附之將其眾降唐貞觀初拜監察御史彈治不避權要累轉
中書舍人上言謀猷之臣臺閣之吏不崇簡易而昧經遠故執
憲者以深刻爲奉公當官者以侵下爲益國宜擇溫厚修潔者
任之敦朴素革浮僞使家識慈孝人知廉恥自然禮節興矣陛
下身帥節儉而營繕未息願愛其財毋使殫惜其力毋使傲畿
內數州令得休息強本弱支之義也公侯勳戚之家邑入俸稍

足以奉養而貨息出舉爭什一宜加懲革今外官卑品皆未得祿故飢寒之切夷惠不能全其行正恐巡察歲出輜軒繼軌而侵漁不息也稍加廩賜使得事父母養妻子然後督責其效則官人畢力矣陛下懿親當正其禮比見帝子拜叔父叔父答拜封爵既同宜明昭穆願垂訓正以爲彝法書奏太宗稱善嘗賜鍾乳一劑曰爾進藥石之言朕以藥石相報後爲吏部侍郎善銓敘人才帝賜金背鏡一况其清鑒焉累遷中書令進爵齊國公永徽初加光祿大夫病卒子正業

高沐渤海人父馮事宣武李靈耀靈耀反馮密遣人上奏有詔拜馮曹州刺史會李正巳盜有曹濮馮不能自通朝廷死於官沐貞元中擢進士第因家託鄆李師古辟署判官及李師道叛沐沐而囚郭昉元和十四年贈沐吏部尚書

濟南府志

卷四十七 人物三

四

率其僚郭昉郭航進說不能入師道親吏林英乘間訴曰公奈何舉十二州地成沐輩千載名乎師道疏沐使守濮州沐上書天子師道事露林英奏事京師得沐以誠款結天子狀師道殺沐而囚郭昉元和十四年贈沐吏部尚書

按二高皆崇祀今德州鄉賢祠以史傳覈之史云高馮德州人高沐渤海人高氏本魏齊舊縣巨族康熙二十八年德州北第六屯得魏神龜元年高植墓碑鄉先生爲攷外戚傳得其行實且形諸歌咏嘉慶十一年又於第三屯得魏正光四年高貞碑然則今德州北境實魏齊舊縣故地鄉賢祀高馮誰曰不宜高沐之父亦名高馮史云渤海人攷其年代與齊縣之高馮旣不相值而行實亦絕不同其別爲一人無可疑

也德州鄉賢亦祀東方朔州進士李有基云今德州城東北有明善鄉自東北跨越陵縣城北陵縣志西至德州界五里至州城七十里又過神頭鎮東十餘里神頭鎮乃厭次之治所故宜祀之按所言中理而唐書無渤海郡止有渤海縣隸棣州其縣下有注亦析厭次所置既可因地過厭次之神頭鎮而祀曼倩獨不可因地析厭次之渤海縣而祀高沐乎

郭虔瓘齊州歷城人開元初錄軍閥累遷右驍衛將軍兼北廷都護金山道副大總管明年突厥默啜子同俄特勒圍北廷虔瓘飭壘自守同俄單騎馳城下勇士狙道左突斬之虔瓘以功授冠軍大將軍安西副大都護後遷涼州刺史河西節度大使進右威衛大將軍奏家奴八人有戰功求爲游擊將軍宰相劾其

濟南府志

卷四十七

人物三

五

恃功亂綱紀不可聽陝王爲西安都護詔虔瓘爲副虔瓘與招慰十姓可汗使阿史那獻數持異交訴諸朝元宗詔使諭解曰朕聞師克在和不在衆以虔瓘獻宿將當捨嫌疑隙戮力國家自開西鎮列諸軍戎有定區軍有常額卿等所統蕃漢雜之在乎善用何必加募或云突騎施圍石城獻所致也葛邏祿稱兵虔瓘所沮也大將不協小人以逞何功可圖昔相如能誦廉頗寇恂不吝賈復宜各曠然終承朕命令賜帛二千段及它珍器俾諒朕意虔瓘奉詔久之卒於軍

郭昉齊州人德宗時爲兗鄆節度使李師道幕僚師道爲逆昉切諫囚之凡十年師道又陰助吳元濟攻彭城以緩王師昉乃爲繪書藏衣絮中使郭航間道走武寧軍見李愿請奇兵浮海直

搗萊淄乘虛而入愿白諸朝議者疑出師道所教不報及王師討師道諸節度使兵四入下魚臺金鄉取海州多用昉策劉賸既平鄆斬師道乃捉昉臂歔歔流涕嘉其忠直辟致義成節度府判官

郭航與昉世居齊州李師古辟高沐署判官航與昉皆爲其僚屬師道叛航與昉及李公度從沐引古今成敗前後鑄說不能入及師道殺高沐而囚郭昉於濮州守衛苛嚴凡十年吳元濟拒命師道引兵攻彭城敗蕭沛數縣以緩王師昉爲繪書藏衣絮間使航閒道走武宣軍見李愿請奇兵三千浮海擣萊淄賊倚海不爲備且居皆罪人無與守始昉畏事洩署師道所信吏劉諒名以遣愿白諸朝議者疑師道使爲之不得報航不敢循故

濟南府志

卷四十七

人物三

去

道閒關回遠還昉所未幾師道召航昉疑事露欲引決航曰事露吾獨死君無患卒自殺遂絕航萊州人以氣節聞與昉世居齊初昉舉進士權德輿將取之聞其家賊中乃罷二人卒能以忠顯

按歷城志載郭昉事原注云據岳通志蓋未暇檢唐書高沐傳也航雖萊州籍而與昉世居齊州史有明文故不可獨錄昉而遺航也

孟簡德州平昌人曾祖說武后時同州刺史簡舉進士宏辭連中累遷倉部員外郎王叔文任戶部簡以不附麗見疾宰相韋執誼爲徙它曹元和中拜諫議大夫知匭事韓泰韓昱之復刺史吐突承璀爲招討使簡皆固爭詣延英言不可狀以倅切出爲

常州刺史有孟漬久淤簡導漑田凡四千頃以勞賜金紫召爲
給事中代李遜爲浙東觀察使初遜抑士族右編人至橫恣不
檢及簡至一切反之農佑兼受其弊時謂兩失焉後出爲山南
東道節度使時有詔置臨漢監以牧馬命簡兼使職簡以親吏
陸翰主奏邸關通奄侍翰持之數傲狼簡怒追還以土囊斃之
家上變左授太子賓客分司東都再貶吉州司馬以赦令進睦
州刺史復徙常州仍太子賓客分司卒

按孟詵爲汝州梁人新唐書別有傳其時尚未入平昌籍故
不悉錄

附錄太平廣記刑部李尙書遜爲浙東觀察使有前諸暨尉
包君秩滿居縣界土豪獻果包妻食之中蠱乞治於豪豪恐

濟南府志

卷四十七

人物三

七

事露更因辱之妻頌豪反以倚恃前資擅至百姓莊滋擾訴
包李尙書決包臂杖十數時孟尙書簡刺常州知其冤明年
代李爲觀察乃先以帖錄豪家到官盡斃之於獄厚以資幣
贈包君聞者稱快

孟雲卿平昌人第進士擢校書郎與杜甫元結交最善甫服其稽
古故其詩有孟子論文更不疑之句又有酬孟雲卿詩

按德平志以爲將陵人府舊志謂爲平昌人雲卿有傷情詩
云舊居近西南河水新爲梁松柏今在茲安忍思故鄉似與
故籍汝州寄籍平昌之意相涉豈亦詵之近屬歟

孟暹字升之平昌人登進士第全唐詩錄其詩十七首中有嘉祥
驪詩云樹頂煙微綠山根菊暗香何人獨鞭馬落日上海祥何

孟氏才人之多也

王宏濟南人文皇少與同學從受八體書既登御訪宏宏隱去不

復見

龍城錄

邵貞一濟南人以武后革命乃挈妻子入長白山結廬自養終身不肯仕因自號長白山人子瓊之殿中侍御史孫說吏部侍郎

遷相州安陽

按唐書邵說傳說爲相州安陽人而貞一及瓊之皆長白山

人說始客河洛又走洛魏洛魏固相州鄰也是說陷於安史

之後乃爲相州人非其先世早居相州也

潘志忠臨邑人唐中書令吏部尚書平章事鄼國公

濟南府志

卷四十七

人物三
唐五代

六

五代

景範長山人周顯德中官中書侍郎平章事出鎮魏郡并人來寇範佐世宗北征帷幄佐籌世宗優詔褒之墓在今鄒平境內

按景公歐史無傳薛史有傳亦不詳惟王漁洋先生長白山

錄載其墓碑猶可撫其畧以代傳畧云景氏之先出自芊姓

長白之下淄濟爲川地勝氣清惟公故里公以明經擢第於

春官氏爲吏於清陽掾於高密郡秩滿而授范縣令我周孝

皇帝以公爲秋曹郎進階朝散大夫充樞密學士尋轉諫議

大夫今上嗣位并人南寇親征之舉分命大臣公仍拜貳卿

惟公碩望可鎮流俗爰立之命帝心允一公自立不回信而

有守大用逢時洪鈞在手盡瘁之勞因成美疾封章臺上優

詔褒稱以列卿歸第戀車故鄉風樹急驚溢血以居哀異性
盡顯德二祀冬十一月薨於淄川郡之私第年五十有二贈
侍中遣使祭奠夫人李氏嗣子儼信碑多闕文其可見有如
此者

又按顧亭林山東考古錄謂景相公訛爲景延廣有令於鄒
平者以延廣仕晉爲誤國之臣因事辱其後人而毀其祠昔
年邑之士大夫頗有能知五代閒事以爲非延廣者邑人成
和徵有景公辨正說

田敏淄州鄒平人少通春秋梁貞明中登科調補淄州主簿不之
任留爲國子四門博士後唐天成初改尙書博士賜緋滿歲爲
國子博士上言請四郊置齋宮以詳明典禮兼太常博士奉詔

濟南府志

卷四十七

人物三
宋五代

九

與太常卿劉岳刪定唐世鄭餘慶書儀又詔與馬鎬諸人同校
九經改戶部員外郎賜金紫晉天福初授祭酒遷兵部侍郎充
宏文館學士判館事議者言敏止任學官宰相桑維翰從之改
授檢校右僕射仍爲祭酒周祖親郊命權判太常卿世宗顯德
初拜太常卿檢校左僕射加司空始爲卿五年上章請老世宗
不允章再上以太子少保致仕歸恭帝時加少傅宋開寶四年
卒年九十二敏歸有良田數十頃多釀美酒待賓客體強少疾
徒步往來閭巷閒多不以杖每日親授諸子經自作父墓碑辭
甚質敏嘗使湖南路出荆渚以印本經書貽高從誨從誨謝曰
祭酒所貽書僕但能識孝經耳敏曰讀書不必多十八章足矣
如諸侯章云在上不驕高而不危制節謹度滿而不溢皆至要

之言也時從誨兵敗於郢故敏以此諷之從誨大慚子章仕至殿中丞

按敏之功在刑刊經典另有考詳藝文志中

宋

馮瓚字禮臣歷城人父知兆後唐官司農卿瓚以廕授秘書省校書郎仕周累官至祠部郎中克集賢院直學士宋初轉兵部侍郎加金紫階瓚風神俊爽善談論有吏才太祖寵異之擢諫議大夫出知舒州境內有菰蒲魚鼈之饒居民采以自給瓚奏蠲其稅四年春徙知廬州時劍外初平命知梓州蜀軍校上官進率亡命三千人掠民數萬夜攻州城瓚曰賊乘夜奄至此烏合之眾以錐挺相擊必無固志可持重以鎮之旦自潰矣城中止

濟南府志

卷四十七

人物三

三

有雲騎兵三百分守城門密令促其更籌五鼓賊遁去因縱兵追之禽上官進斬於市誘其餘黨千人並釋其罪境內獲安太祖爲趙普言瓚有奇才意欲任用爲普所忌以計陷之抵重罪減死流登州沙門島後赦放還太宗卽位授左贊善大夫太平興國二年賜金紫四年上親征太原以瓚爲隨駕三司判官凱旋改大理卿兼秘書省判以疾求解官優詔不許乃抗章歸復舊勲階明年卒五十七歲子克忠官內殿崇班關門祇候

張令鐸少負勇力周時領武信節度使宋初遷都候累官鎮盩厔節度使開寶三年卒贈侍中令鐸性怒嘗語人曰我從軍三十年大小四十餘戰多摧堅陷敵然未嘗妄殺一人卒之日人多

惜之

按張爲棣州厭次人今陵縣志載之陵縣神頭鎮故厭次地也

張雍德州安德人治毛詩開寶六年中第釋褐東關尉俄爲秘書丞累遷太府少卿加諫議大夫出爲西川轉運使知梓州蜀寇王小坡李順作亂攻偏州城雍募兵治戎器率衆固守賊急攻西北隅雍號令軍士曰將開東門擊賊陽遣步騎五百臨東門賊登牛頭山瞰城內信之伏精兵於山之東隅以待雍召敢死士百餘縋而下焚其攻具自午達申殆盡賊以爲神相拒八十日援兵至賊潰去上手詔褒美擢給事中遷侍郎出知鄧州祥符元年以尙書右丞致仕卒子太沖殿中丞

按德平縣志云通志以爲將陵人今攷其故里實在縣境今

濟南府志

卷四十七 人物三

三

通志不載其人府舊志謂爲德州安德人姑從之

王杲齊州人周顯德中應募爲卒宋初應選從征澤潞平揚州以

戰功累拔馬軍副軍軍頭屯并州雍熙中爲龍衛右第二軍都

虞候會遣趙保忠還夏州命杲引兵護送及還保忠以方物贖

杲拒不納太宗知之賜白金百兩遷右第一軍屯鎮州契丹入

寇杲隸大將郭守文守城北闕寇退命杲督餉抵徐河時尹繼

倫與寇戰小衄杲適遇賊河上卽按兵拒之殺賊奪所乘馬郭

守文以聞上召見問狀補部軍頭領勤州刺史命監河北有能

聲李順之亂杲與尹元並爲西川招安使敗賊斬首萬級以功

正拜唐州刺史餘賊猶梗道路或保山林爲姦杲與石普等追

捕於彭州於是始平累遷靈州環州并州夏州石州副部署後

以轉餉失期降官咸平五年出爲永城都監將召入見以疾卒
盧錫圭淄州人父浚右諫議大夫錫圭太平興國八年進士解褐
歷城主簿累官并州通判至道中加太常博士咸平二年選爲
開封府判官帝謂宰相曰人之有才難得盡見必歷試而後可
知特令升殿諭以天府事繁慎選之意仍賜緡錢會獄空詔獎
之遷至河北轉運使以職務修舉詔賜金紫復遣之任時城祁
州命專督其役契丹入邊車駕幸澶州錫圭自定州隨軍至大
名卽單騎赴行在召對勞問久之其後上言領職六年求歸闕
許之以使勞優拜吏部員外郎屢官至右諫議大夫錫圭勤吏
職所至以幹集聞頗知命嘗語親舊曰官五品服三品天不與
者壽爾大中祥符六年卒時錫圭母八十尙無恙上閱之以其

濟南府志

卷四十七人物三

三

子士宗爲太常博士特命知懷州又以次子士倫爲太常博士
至工部郎中度支副使

按淄川志云宋史本傳淄州下脫二字末云子士宗另有傳
及攷士宗傳云濰州昌樂人父子兩籍必有一誤按此本府
舊志之說然父子兩籍古今多有之未可云誤也

盧士倫長山人其叔伯達與曹侍中利用通姻復憑世蔭大爲邑
患縣令憚其勢莫敢與較主簿張待問一日承合乏適伯達以
訟至庭卽數其累犯杖之未幾士倫來爲本路轉運使人皆爲
張危之或勸令自免去張曰盧公賢者肯銜隙以害公正之吏
乎了不嬰意一日士倫巡案至邑召張語之曰君健吏也吾叔
賴君懲之今變節爲善人矣爲發薦章而去

按盧錫圭傳淄州下闕文以此證之知爲長山二字無疑但未知士宗何以獨隸昌樂籍耳

李惟清字直臣其先下邑人父仲行爲章邱簿因家焉初任涪陵尉禁絕淫祠管巫覡振興風化給民醫藥有宦官督船木恣縱不法惟清奏殺之遂知名三遷至監察御史減荆湖鹽價復酒耗端拱初歷戶部度支使時大發兵治方田惟清以春妨農奏罷之出知廣州太宗獎其廉平召拜給事中同知樞密院事惟清傲儻自任所至稱強幹至刑部侍郎御史中丞

田誥歷城人隱居嵩山好著述有學徒數百人舉進士至顯達者接踵宋維翰許衮皆其弟子也所著百餘篇傳於世每構思匿深草中絕不聞人聲俄躍出卽一篇成矣後得水樹於濟南明

濟南府志

卷四十七 人物三

三

水決志高蹈淳化中韓伾言於天子召赴闕詔書及門而卒

按歷城志謂誥蓋歷城人先隱嵩山後又隱於明水耳又謂雲麓漫鈔以爲楊朴是傳聞之異詞其言皆確作滙水燕談錄者乃齊人故可據也

王沔字楚望齊州人太平興國初舉進士解褐大理評事四年太宗親征太原見於行在授著作郎直史館遷右拾遺累遷知懷州八年春與宋白賈黃中同知貢舉後官至樞密副使又叅知政事淳化初宰相趙普出守西洛呂蒙正以寬簡自任政事多決於沔沔與張齊賢同掌樞務頗不協齊賢出知代州沔遂爲副使叅預政事已而省吏事發連中書因有奏毀者上語毀者曰呂蒙正有大臣體王沔甚明敏毀者慚而止三年上欲黜陟

官吏命沔知京朝官考課沔上言乞令刑部條報以賊及公私罪分三等受命甫旬日方視事以暴疾卒

范正辭齊州人父勞謙官獲嘉令正辭治春秋公羊穀梁登第累遷知戎州改著作郎代還治逋欠於淄州轉運使稱其能遷左贊善大夫就知淄州太宗征河東諸州郡糧多不及期正辭所部長山縣吏張秀督民輸受錢二千卽杖殺之郡中畏服太平興國中御史中丞劉保勳奏充臺直會有言饒州多滯獄以正辭知州事至則宿繫皆決遣之坐淹獄停職者六十三人旋令料饒州兵送京師有王興者懷土憚行以刃故傷其足正辭斬之興妻詣闕上訴太宗召見正辭詳辨其事正辭曰東南諸郡饒實繁盛人心易動興敢扇搖苟失控馭則臣無待罪之地矣

濟南府志

卷四十七

人物三

齒

上壯其敢斷特遷膳部員外郎充江南轉運副使賜錢五十萬

饒州民甘紹積財巨萬爲羣盜所掠州捕繫十四人獄具當死

正辭按部至引問囚皆泣下察其非實命徙它所訊鞫旣而民有告羣盜所在者正辭潛召監軍王愿掩捕愿未至賊已遁正

辭卽單騎出郭二十里追及之賊控弦持稍來偪正辭大呼擊

以鞭中賊雙目執之賊自刃不殊匆得所棄賊賊尚有餘息載

歸傳藥創旣愈按其姦狀伏法十四人皆得釋真宗卽位遷膳

部郎中咸平三年以本官兼侍御史知雜事上言李昌齡輩貪

墨著聞乞罷之舉吳奮等五人堪任大郡復請令奮等各舉縣

令皆從之後坐鞫任懿獄降官會赦累復膳部郎中故階以年

老求監兗州商稅大中祥符三年卒子識諷並進士及第

范諷字補之正辭之子以蔭補將作監主簿獻東封賦召試入等
出知平陰縣會河決王陵埽水去而土肥失阡陌田訟不能決
諷分別疆界著爲券民持去不復爭諷辨數激昂喜爲聲名然
亦操持在己吏不敢欺爲縣存視貧弱至豪猾大家峭法治之
舉進士第遷大理評事通判淄州歲旱蝗諷行縣至鄒平發官
廩貸民縣令爭不可諷曰有責令無預也卽出貨三萬斛比秋
民皆先期輸官徙知梁山軍以母老不行通判鄆州詔塞決河
州募民入芻捷而城邑與農戶等諷曰貧富不同而輕重相若
農民必大困且詔書使度民力今則均取之此有司誤也卽改
符使富民輸三之二因請下諸州以軻爲率朝廷從其言徙知
廣濟軍民避水隄居凡給徭於官者諷悉縱使護其家奏除其

濟南府志

卷四十七

人物三

三

租賦以疾監舒州靈仙觀章懿太后召還問所欲言對曰今權
臣驕悍將不可制指曹利用也利用坐貶拜右司諫三司度支
判官百官轉對勅近臣閱視其可行者類次以聞諷奏曰非上
親覽決可否則誰肯爲陛下極言者玉清宮災下有司治火所
起諷曰此天之戒告復置獄以窮治之非所以應天也由是解
獄議者擬復修諷又曰山木已盡人力已竭工必不成亦下詔
罷之改禮部員外郎兼侍御史知雜事奉使契丹道幽州北見
原野平曠慨然曰此爲戰地不亦信哉遼人相目不敢對出知
青州時山東饑發粟數千斛賑饑民入爲諫議大夫權御史中
丞請益漕江湖米百萬以振貸之錢惟演倡議獻懿二太后宜
祔真宗廟室諷彈奏之及言其在太后時權寵太盛又與后族

連姻宜紕去仁宗不聽諷袖告身對曰臣今奉使山陵而惟濱
守河南臣早晚憂刺客願納此不敢復爲御史中丞矣帝不得
已爲紕去後知陝州道改潞州入見帝言元昊不可擊獨以兵
守要害扞侵掠久當自服倘內修百度躬節儉如祖宗故事則
疆事不足憂以給事中卒子寬之仕至刑部郎中知濠州

姜遵字從式淄州長山人真宗朝進士及第初爲蓬萊尉辟登州
司理叅軍開封府右軍巡判官會有疑獄其人抵死罪遵辨出
之遷太常博士王曾薦爲侍御史仁宗卽位擢京東轉運使以
刑部郎中兼侍御史歷三司副使再遷右諫議大夫知永興軍
奏罷咸陽富民及元氏縣貢梨拜樞密副使遷給事中卒贈吏
部初范文正公舉學究見遵遵曰奇士也它日當立盛名於世

濟南府志

卷四十七

人物三

美

人莫測何以知之

周起字萬卿淄州鄒平人生而豐下父意異之曰必起吾門因名
起父知衛州坐事削官起年十三詣京師訴枉父得復官舉進
士爲將作監丞通判齊州召直史館累擢知制誥直宗東封攝
御史中丞考制度副使所過得采訪官吏能否及民利病以聞
還自泰山羣臣多獻文章頌德起獨上書言天下之事常患恬
於安逸而忽於兢業願陛下毋以告成爲可恃真宗嘉之起素
患貢舉之弊因建議糊名以革之至今爲著令初置糾察刑獄
可以命起起請諸事已決而有所枉及官吏非理榜掠者並聽
受訴從之遷樞密直學士知開封府聽斷明審庭無留事以真
宗判南牙聽事之所爲繼照堂自是無敢居者仁宗生日起方

奏事真宗曰知朕有喜乎朕始生子矣入禁中懷金錢出以賜起真宗得疾丁謂用事逐寇準時起已由河中府遷至禮部侍郎樞密副使謂以起爲準黨罷爲戶部郎中知青州又降太常少卿知光州仁宗卽位知揚州及杭州丁謂得罪起又爲禮部侍郎留守南京以疾請知潁州自潁徙陳自陳徙汝卒年五十八贈禮部尙書謚安惠弟超官主客郎中子延荷以孝友聞官殿中丞延雋頗雅厚官太常少卿

魏花歷城人短小精悍輕捷如貓善騎射工閒謀爲狄武襄所知隨征西夏廣南多建奇功官至都指揮

王樵字肩望淄州淄川人居縣北梓潼山博通詩書尤治老易與賈同李冠齊名學者多從之咸平中契丹游騎渡河其家被掠

濟南府志

卷四十七 人物三

七

樵棄妻挺身入契丹訪父母累年不獲還刻木招魂以葬立祠以畫像事之服喪六年哀動行路北望歎曰身世如此自比於人可乎自稱贅世翁唯以論兵擊劍爲事一驢負裝徒步千里屢游塞下畫策于何承矩耿望求滅遼復讐不用乃歸於城東南隅壘磚自環謂之繭室疾革自掩戶卒治平末職方郎中向中道知淄州訪繭室已構爲民居得樵甥牟氏子問之始知改葬乃因其地復作繭室及祠堂刻石以記之

按于欽齊乘記太守劉通詣樵踰垣遁去其後高弁知州事范諷爲通判就見之李冠以詩寄樵曰霜臺御史新爲郡棘寺廷評繼下車首謁梓潼王處士風教從此重詩書自爲繭室自掩戶卒命以古劍殉葬所著遊邊集二卷安邊三策說

史十篇濟南李芝爲贅世先生傳

李冠字元伯齊州歷城人舉進士不第得同三禮出身調乾寧主簿師事臨淄賈同同殉冠私謚曰明道先生范諷爲淄州通判就見王樵冠寄詩美之以文學稱京東有東臯集二十卷

張揆字貫之其先自范陽徙齊州父蘊咸平初監淄州兵契丹入寇游騎至淄青聞州人將棄城蘊拔刀遮止於門力治守備游騎爲之引去郡守愧始謀掠爲已功及陷於罪蘊受而不按揆擢進士第歷北海尉改大理寺丞以疾解官十年不出戶讀易因通揚雄太元經陳執中安撫京東薦揆召爲國子監直講後權三司戶部判官上所著太元集解數萬言召對邇英閣令揆著得斷首言斷首準易之夬以陽剛決陰柔君子進小人退之

濟南府志

卷四十七人物三

宋

三

象也仁宗悅累擢至龍圖閣直學士給事中判太常寺一日進讀漢馬太后傳至服大練抑止外家因言今妃族太盛不可不裁損使保其家帝嘉納之詔改王溥謚或擬以文忠揆曰溥周之宰相周亡不能死安得爲忠乃謚文康加翰林院侍讀學士知審刑院出知齊州卒贈禮部侍郎弟投

張揆字文裕揆之弟幼篤學父病刲肉以療舉進士知益都縣當督賦租置里胥不用而民皆以時入石介獻息民論請以益都爲天下法丁內艱時隆寒徒跣舉柩叩首流血與兄揆廬墓左明道中京東饑盜起以御史中丞范諷薦知萊州掖縣縣民訴早於州州拒之揆自薦奏聞詔除登萊稅通判永興軍數遷爲龍圖閣直學士知咸德軍臣者閣士良爲鈐轄多撓帥權用危

法中軍校投直之而効士良奏抵其罪入判太常司農事官至戶部侍郎卒投忠篤誠愨既老益康寧少從劉潛李冠游及其死率里人葬之置田贍其孀事揆如父理家必咨而行爲鄉黨矜式

韓贄字獻臣長山人仁宗朝登進士第擢侍御史持節安撫荆湖自馬氏擅國計丁輸米民日以累贄特奏除之改知諫院進天章閣待制宰相梁適以私容奸狄青由卒伍起任樞密內侍王守恕遷官不次贄皆舉劾無所諱出知滄瀛二州尋遷龍圖閣直學士河北都轉運使河決汴境議者欲復之勢將興役贄言北流安定驟更之未必成功若開魏金隄使分注兩河或可紓水患詔如其策以行不數月而工畢入判都水監權知開封府

濟南府志

卷四十七 人物三

完

遷知審刑院糾察在京刑獄知徐州以吏部侍郎致仕贄性廉潔自奉甚約所得祿悉質田贍族黨退休十五年讀書賦詩以自娛卒年八十五

按贄所上分注兩河之議府舊志縣志皆不詳史載都轉運使韓贄上言四界首古大河所經卽溝洫志所謂決平原金隄開通大河入篤馬河至海五百里者也自春以丁壯三千浚之可一月而畢商胡決河自魏恩至冀乾寧入海今二股河自魏恩東至德滄入海則上不壅可以無決溢之患乃上

四界首二股河圖嘗攷宋初大河所行仍後漢及唐之道所

云京東故道也景祐元年河決橫隴遂爲經流 卽今張秋鎮西南之大河

故道慶歷八年河決商胡 在開州境至魏恩博德四州之界曰四

界首河分二股一由魏恩至葦乾寧軍入海曰北流

合永濟渠即今

運河乾寧軍在今青縣

一由魏恩至德及滄州入海曰東流

即唐馬頰入海之故

道嘉祐初議開六塔河挽商胡決河歸橫隴故道仍入京東

舊渠功方就是父大決漂沒兵夫芻蕘不可計修河官皆坐

罪贖獻此議從之亦足以覘經濟也故爲考注如右

單煦字孟暘平原人舉進士知洛陽縣民以妖幻轉相教授煦捕

治三十餘人當得上賞不肯言轉知昌州時詔城蜀煦以蜀地

負山帶江一旦毀藩籬而興版築非民力所堪請但築子城從

之徙清平軍使有二盜殺人捕治不承煦縱使之食甲食之既

乙不下咽執而訊之果殺人者爲御史推直官或誣轉運使呂

昌齡以賄中丞張昇論鞠未就勅煦往治之不肯阿其長卒直

濟南府志

卷四十七 人物三

三

昌齡乞外遷知濮合二州合州患夏秋淫潦築東隄以禦之赤

水縣鹽井涸奏蠲其賦累遷光祿卿卒煦友愛初兄熙斃人死

煦曰家貧親老仰兄以養義當代死卽詣鬪所待捕已而死者

醒驚問之以情告其人感歎竟輟訟

李定濟南人嘉祐閒以風采聞嘗徧歷天下諸路計度轉運使官

制未行老於正卿

按歷城志據王清明揮塵前錄謂有三李定一洪州人一揚

州人一濟南人不可不辨王漁洋謂洪州人卽與蘇子美賽

神會之獄者揚州人卽與舒亶媒孽東坡者吾郡一人則獨

以功名著後學所當知也

韓澤長山人治平初尙書虞部員外郎出知長山縣事上騎都尉

賜緋魚袋在縣新建范文正公祠

按張長白先生臨撰增修范公祠記言宋治平二年邑人韓澤知縣事首率邑人祠祀先生石刻無恙則韓爲縣人無疑其行實別無所見以縣人爲縣令古多如此殆沿出使長之入使治之之遺意歟

張仲宣字元忠章邱人官虞曹員外郎縣有夫子廟在縣西東隅一殿僅存既溢且陋嘉祐五年仲宣率鄉人輸錢以私財足之白於清平軍使得丁夫官匠以佐其工命兵校公胥以督其役開基拓地朝夕經營不旬月締構以完縣令郭灝稱之曰張君費而不奢儉而中禮鄉黨稱其孝弟朝廷推其廉能茲役之辦實其效歟

濟南府志

卷四十七

人物三

三

穆賓字廷秀先世河南人唐秘書監靈之後賓高祖徙開封至賓孳家占籍於濟州之章邱縣初葬女郎山之陽少博通書史尤明周易老聃之道沖淡不樂仕進鄉閭無長幼貴賤莫不欣向謂之君子子端

穆端字伯初賓之子少好學剛毅能尊所聞尤以孝著父賓喜歡施端傾資奉之未嘗以有無爲言迨執喪焦毀過禮臨窆號慟屢至墮絕廬守墓側服竟始去後遇譚日孺慕涕泣終其身弗衰季弟客死京師殯於中野它日端述之不獲乃招魂歸葬焉自是與親朋游集輒悲思不樂子輩孫淚

劉庭式字得之齊州人本田家其鄰舍翁甚貧有女約爲婚後數年舉進士歸鄰翁已死女以病喪明益困餓不敢言或勸娶其

幼女庭式笑曰吾心已許之豈可負我初心哉卒娶之闔門雍睦其後生數子庭式坐小譴監司欲逐之嘉其美行輒爲止妻死庭式喪之不復娶時通判密州而蘇軾爲守問之曰哀生於愛愛生於色今君愛何從生哀何從出乎庭式曰吾知喪吾妻而已若緣色而生愛緣愛而生哀色衰愛弛吾哀亦忘則凡揚袂倚都市目挑而心招者皆可以爲妻邪軾深感其言庭式後監太平觀老於廬山絕粒不食日奕奕有紫光步峻坂上下如飛以高壽終

羅希古其先密州諸城人希古始家於淄與弟希道皆以經術獲第初爲海州胸山尉父仲宣歿葬諸城熙寧元年希古遷父母并三世族屬皆葬於淄川孝感鄉歷官大理審刑官明達平恕

濟南府志

卷四十七

人物三

三

多有陰功在人出貳雄藩典名城休聲美實洋溢中外所至有遺愛人歌頌之希道調恩清陽簿未任卒希古子民先光州軍判官孝先應天府寧陵尉初其父仲宣之居諸城也朴重喜讀書不以書資進取獨取聖賢要語履行之有日者告曰公他日必貴何不求仕謝曰吾於世一物無所嗜唯嗜爲善於聲利本無心安得貴吾有二子嘗教之使就科舉成與否有不在己者吾不責吾責之者弟使不爲不善爾及希古致仕遷中散大夫以朝恩贈父工部尙書加贈金紫光祿大夫

按羅墓在淄川縣城南七里店換碑者爲鄉貢王積中亦宋元祐時人也其銘詞中謂其爲羅紹威之裔

廉復章邱人少時一頁書應舉年未四十隱於齊郡東湖山之麓

束書置屋棟間獨抱大易以老焉築室結廬植竹數千木數百
堅完蕃茂它人畢力莫能及治田百畝活十餘口壽八九十猶
有童色或叩其術曰吾於築室植木也知不以彼之成敗易吾
之誠而已於家也知不以彼之盈虛奪吾之常理而已於身也
知不以思慮擾情而已是安得術雖然若有問治天下國家者
吾亦將以是語之王文恪公欲薦之朝度不可屈乃止治平中
刺史王才叔以詔求遺逸將迫之行乃使人進其弟子胡鄆鄆
不知也元豐八年李格非作敘至宣和癸卯孫宗師曾孫理珪
爲之樹石

王恮齊州人幼孤事母至孝母死負土成墳日夜哭不絕聲廬墓
三年詔旌其閭

濟南府志

卷四十七

人物三

三

趙唐淄川人兄弟五人同居父母沒哀痛盡禮眷屬六十餘口履
險不易詔旌其閭

按趙唐府舊志以爲淄川人縣志亦載之通志以爲兗州人
待考

劉禹字希儉德州德平人年二十舉明法科補樂城尉名能捕盜
奏徙藁城尉盜爲不發遷德榮主簿兼縣事歲蠲鹽井稅四十
萬罷官民追送之後權邳州武岡縣溪洞蠻蜂出燒民積聚郡
治兵令民入保禹從數騎入其巢穴諭以禍福其酋請殺始事
者二人事平以憂去服除授資州錄事叅軍兼司法事始至將
佐易之見其決獄乃大驚郡有難事皆倚以辦改大理寺丞知
海北縣俗喜屠牛私酤禹籍其姓名區處疏壁閒民相告曰是

不可犯又知樂壽縣樂壽南皮間有金隄部使者度繕隄以障水利南皮而害樂壽南皮令以私書誘樂壽仕家子得其願狀告使者使者下書問狀禹會民金隄得南皮私書曰南皮令亦欲自便其民但不善謀耳當報以德乃焚其書而以願者寡不願者眾具報遷通判汾州護治汾水隄以督作暑雨中工休乃去得疾卒喪過汾市多隕涕者監鎮黃庭堅爲作墓誌蓋因德平王英狀禹行事英言行有物宜可信故紀焉

按誌稱禹以元祐八年七月卒元符二年六月葬於德平縣之擊壤鄉其鄉不可攷而王英有足稱亦宜附見之

李格非字文叔濟南人幼甚俊異時方以詩賦取士格非獨用意經學者禮記說數十萬言遂登第調冀州司戶叅軍試學官爲

濟南府志

卷四十七

人物三

壽

鄆州教授郡守以其貧欲其兼他官謝不可入補太學錄再轉博士以文章受知於蘇軾嘗著洛陽名園記謂洛陽之盛衰天下治亂之候也其後洛陽入於異域人以爲知言紹聖時立局編元祐章奏以爲檢討不就因不合執政意通判廣信軍有道士說人禍福或中出必乘車昨俗信惑格非遇於塗叱左右取車中道士來窮治其姦狀出諸境召爲校書郎累遷至提點京東刑獄以黨罷格非苦心工於詞章嘗論左馬班韓之才語奇而確又謂文不可苟作誠不著則不能工妻王氏拱宸孫女亦善文字迺南渡後任勅局刪定官女清照自號易安居士亦有才藻

商瑤淄川人少博學文詞豪健登景祐元年第爲萊蕪單父二縣

尉單父多盜以策鉤獵且盡遷臨沂令知下邳縣下邳多訟勸
諭之不盡臨以法民始鬪怒中忽喜悟相與請平者常十七八
父老戒子弟曰若忍犯其令乎富鄭公守青州聞其治狀數委
決難事始爲包孝肅所知韓忠獻公見之必訪以世務後簽書
平定軍判官以尙書屯田員外郎知襄邑縣至和二年卒年五
十元祐八年十月葬於淄川萬年之原張文潛爲作墓誌三子
早卒一孫求之舉進士

呂頤浩字元直齊州人登進士第累官徽猷閣待制河北都轉運
使伐燕之役頤浩以轉輸隨軍旣得燕山爲燕山府路轉運使
頤浩奏開邊極遠其勢難守又奏燕山河北危急五事徽宗怒
褫職尋復焉高宗卽位除知揚州高宗南幸進戶部尙書劇賊

濟南府志

卷四十七

人物三

七

張遇眾數萬屯金山頤浩單騎與韓世忠造其壘諭降之進吏
部尙書建炎三年金人逼揚州駕幸錢塘拜簽書樞密院事還
屯京口金兵退改江東安撫制置使兼知江寧府時苗傅劉正
彥逼高宗避位改元明受詔赦至江寧頤浩曰是必有兵變卽
遣人寓書張浚約會兵討賊俄有旨召頤浩赴院供職上言興
衰撥亂事屬艱難請亟復明辟圖恢復以兵發江寧舉鞭書眾
士皆感厲將至平江張浚乘輕舟逆之相持而泣咨以大計曰
頤浩曩諫開邊幾死宦官之手承乏漕挽幾陷腥膻之域今事
不諧不過赤族爲社稷死豈不快乎浚壯其言卽舟中章徽進
韓世忠爲前軍張俊翼之劉光世爲游擊頤浩浚總中軍光世
分軍殿後發平江苗劉之黨託旨請頤浩單騎入朝頤浩奏所

統將士忠義所激可合不可離傳正彥懼乃請高宗復辟師次秀州頤浩勉厲諸將曰今雖反正而賊猶握兵居內事若不濟必反以惡名加我翟義徐敬業可監也次臨平傳正彥拒戰敗引兵遁頤浩諸人以勤王兵入城都人聚觀以手加額朱勝非罷相以頤浩同中書門下平章事初建炎御營使本以行幸總齊軍政用宰相兼之遂專兵柄樞府幾無所預頤浩在位尤顯恣趙鼎論其過章十數上頤浩求去後以李成馬進之敗淮南民未復業詔以頤浩兼宣撫領壽春府滁廬和州無爲軍張琪自徽犯饒州頤浩大破之拜少保同中書門下平章事頤浩與秦檜並相檜欲傾之而擅朝權帝爲下詔戒朋黨頤浩亦欲傾檜給事中胡安國以書勸其法韓忠獻以至公無我爲先報復恩讐爲戒頤浩不用安國坐是罷檜乞留不報免相而頤浩獨秉政後亦坐事爲御史所論免紹興五年帝在建康除頤浩少保知臨安行宮留守八年帝將還臨安除頤浩少保引疾求去未幾卒前封成國公後贈太師封秦國公謚忠穆頤浩爲相時軍用不足與朱勝非勅立江浙湖南諸路大軍月椿錢於是郡邑多橫賦爲東南患云

呂撫頤浩之子官至朝散郎貶梧州司戶秦檜追憾頤浩再竄藤州撫雖在貶所以詩書自娛

按章邱新志以呂頤浩爲樂陵人故不錄而歷城志載入列傳云齊州人府舊志云其先樂陵人徙齊州列之經濟相沿已久故依舊錄之惟王次翁歷城志載之朱子以爲河東人

濟南府志

卷四十七 人物三

三

則與濟南無涉刪之可也

王衣字子裳，歷城人，以門蔭補官。又中明法科，官至大理寺正林。靈素得幸，將毀釋教，時有僧毀體，然香有司希林意，捕以聞。衣曰：「律自傷者杖而已。」林求內批竄流之，而停衣官。建炎初，爲司勳郎中，遷大理少卿。三年，韓世忠執苗傅、劉正彥，檻車近百兩，先付大理獄，將盡尸。諸市衣奏曰：「此曹在律當誅，顧其中婦女有雇買及兩掠以從者，帝矍然曰：「卿言極是，朕慮不及此也。」卽詔自傳正彥妻子，外皆釋之。范瓊有罪，下大理寺，衣奉詔鞫問，不服。衣責以靖康圍城中逼遷上皇，擅殺吳革，迎立張邦昌事。瓊稱死罪。衣顧吏曰：「囚詞服矣。」遂賜死，釋其親屬。將佐四年，升大理卿，初帶御器械。王球爲龍德宮都監，盡盜宮中寶器事，覺帝大怒，欲誅球。衣曰：「球固可殺，然非其所隱匿，則皆爲敵。有何從復歸國家乎？」反寬之初，百司愆戾，付寺劾者三，問取伏狀，被問者懼，對莫敢辨。衣奏曰：「伏與辨二事也。若一切取伏，是以威迫之，不使自直，非法意也。乞三問未承者聽辨，從之同詳定。所司勅令刪雜犯死罪四十七條，帝嘉其議法詳明。紹興二年，除集英殿脩撰，奉祠。旋應薦召爲刑部侍郎，爲言者所格。四年卒於家。

王復字景仁，淄州淄川縣人。曾祖吳國子博士祖珍，虞部員外郎。

父愈，澶州濮陽令。家有唐以來名臣畫像，復每指顏、杲、卿像謂

人曰：「士當艱難捐軀殉節，當如顏公矣。」以門蔭官大理寺評事。

遷寺丞家故饒於財，率里之貴豪各輸銀絹十萬以助賞賚。郡

濟南府志

卷四十七

人物三

三

國效之久之遷京東轉運判官按部過潯川父老迎候復下車
慰謝先是縣苦調外苛征復嘗言他日或能奏蠲之至是以白
復復曰官卑不敢奏然重食吾言敢以私田之入代輸三年除
兩江轉運副使時太平日久民不知兵方臘叛所過守將望風
奔駭復下令所部嚴堡壘修戰備屢有戰功賊平擢徽猷閣待
制轉都轉運使會朱勳以花石奉良岳多取漕艦載之號直達
網復曰寇起倉卒飛輓繁困而倭幸之徒猶飾苑囿以惑上心
固執不與勳訴於上復奏謂不可以不急之務疲民費財擢龍
圖閣直學士以忤宰相王黼降充待制高宗時知徐州金粘罕
率衆數萬攻徐復與戰數不利閉城拒守粘罕重圍夾攻日夜
不休凡二十餘日城陷復擐甲巷戰竟日度不可禦返州治易

濟南府志

卷四十七

人物三

美

朝服南向拜謂粘罕曰死守者我也監郡而次無預焉可獨殺
我而舍僚吏與百姓粘罕凜然歎異曰使南朝皆如公我安得
至此說之使降復罵不絕口粘罕命左右搯其口流血復含血
嚙之復子王倚在傍不勝憤突出手無挺刃得布囊盛磚擊粘
罕不中中其傍千戶長斃粘罕怒執倚劊其心祭千戶長復不
顧被敲死闔門皆遇害時建炎三年正月二十九日也帳下趙
立求得復尸裹以綈褥葬於黃樓之側具奏其事天子震悼詔
特贈資政殿學士諡壯節給恩澤五資賻贈絹帛各二百疋徐
人立廟祀復及倚亦號雙廟勅賜名曰忠烈

王侂復之長子也從高宗過維揚及趙立已亡徐州有武衛軍舊
隸復義不他屬願從侂高宗聞之詔於樞密院創計議官特命

伯爲之仍領武衛紹興八年和議成伯奏乞訪先臣遺骸優詔許之行至泗州得疾抵徐州驛暴卒明年藍公佐奉使迎徽宗梓宮貽書當路漕使訪復瘞所漕委幕屬王之翰求得之易棺斂敢於京師資聖院後子孫徙葬於萊蕪縣先塋伯子達留淄川

按王文簡公池北偶談云宋壯節王公傳劉昌詩與伯蘆浦筆記云傳得之於壯節公元孫默又云史附公於趙立傳已非體又剪裁太畧若非與伯筆記公之始末無從考鏡矣釋史可無作乎今撮其偉節異行如右

辛棄疾字幼安又號稼軒歷城人少師蔡伯堅與堯傑英同學懷英留事金棄疾決意南向會金主亮死中原豪傑並起耿京聚

濟南府志

卷四十七

人物三

三

兵山東自號天平節度使節制山東河北忠義軍馬棄疾爲掌書記卽勸京決策南向有僧義端喜談兵聚衆千餘說下之使隸京僧一夕竊印逃棄疾揣僧以虛實奔告金師急追之斬其首而還紹興末京令棄疾奉表歸宋高宗授以承務郎天平節度掌書記併以節使印告召京適張安國殺京降金棄疾約統制王世隆及忠義人馬全福徑趨金營安國方與金將酣飲卽衆中縛之以歸獻俘行在仍授前官

府舊志言棄疾戮安國於靈巖寺

時棄疾

年二十三乾道六年自通判建康府召對孝宗銳意恢復棄疾因論南北形勢及三國晉漢人才持論勁直不爲迎合作九議并應問三篇美芹十論以獻言順逆之理消長之勢技之長短地之要害甚備以和議定不行歷知潭州兼湖南安撫盜連起

湖湘棄疾悉討平之遂奏乞深思致盜之由講求弭盜之術申飭州縣以養元元爲意詔獎諭之復奏乞依廣東摧鋒荆南神勁福建左翼軍例別創一軍以湖南飛虎爲名止撥屬三牙密院專聽帥臣節制調度庶使夷獠望風懾服詔委以規畫乃度馬殷營故基立砦柵時樞府有不樂之者數沮撓之行愈力卒不能奪費以巨萬計棄疾善輪旋事皆立辦議者以聚斂聞降御前金字牌俾住役棄疾受而藏之出責監辦者期一月營柵成開陳本末繪圖繳進上遂釋然軍城雄鎮一方爲江上諸軍之冠加右文殿修撰差知隆興府兼江南安撫時江右大饑詔任責荒政民賴以濟進一秩其後數落職亦數起官宣宗時召見言鹽法加秩尋差知鎮江府又知江陵府令赴行在奏事試

濟南府志

卷四十七

人物三

罕

刑部侍郎辭進樞密都承旨未受命卒棄疾跋紹興閒詔書曰使此詔出於紹興之前可以無事讎之大恥使此詔行於隆興之後可以卒不世之大功今此詔與讎敵並存也悲夫人服其警切朱文公歿僞學禁嚴門生故舊至無送葬者棄疾爲文往哭之所著有稼軒集行世謝枋得過其墓旁僧舍有大聲呼於堂上若鳴不平自昏暮至三鼓不絕聲枋得秉燭爲文且且祭之文成而聲始息爲請於朝加少師諡忠敏

李昭玘字成季齊州人少與晁補之齊名擢進士第通判潞州潞民死不葬昭玘作文風曉之累官京東提點刑獄坐元豐黨罷官紹興初復官使陝西有車吉者人誣以盜釋之後遇吉於道

吉獻以名馬昭玘笑而不受

按宋史濟南人一作濟北人一作鉅野人未知孰是

木楹字濟之濟南人建炎時登第授崇德令秩滿民不聽去楹亦安之買屋於市以定居終左朝請大夫

周孚字信道濟南人乾道時進士終儀真校官詩本黃太史辛稼軒刊其集曰囊齋集有寄稼軒詩曰我屋與君室濟河北舟相逢楚天晚御看蜀江流老境渾能迴妖氛竟未收何時一塵地歸種故園秋事具瀛奎律髓

孫進軍民千戶授銀符自淄川縣遷鄒平爲邑孫氏始祖子信襲

鄒平志

王泉字永清鄒平伏生鄉人官至西衙丞相立朝目不他視惟瞻其靴人號靴頭丞相

濟南府志

卷四十七

人物三

望

按鄒平縣志載馬寀斯云查宋史無此丞相碑載西衙相府丞成昭其云碑上無丞字今碑蝕莫考

趙自化陵縣人高祖時嘗爲景州刺史以醫鳴世診治有奇效著有四時頤養錄及漢沔集五卷

宋醉民者佚其名劉豫僭立醉民罵曰汝是何人要作官家大宋何負於汝豫怒殺之

歷城縣志云按醉民事見齊乘在豫僭立之後時豫已據東平未能定醉民爲齊州人也舊志又載邢希載勸豫歸宋豫殺之而宋史已明言希載爲滄州進士矣故去之姑留醉民以俟考

崔縱歷城人高宗南渡縱爲行人使金金人喜其才辯迫之使仕

不能與洪皓同放冷山及病革謂皓曰死題我宋行人某之墓
皓灑酪操文以祭情詞激烈聞者髮指

歷城縣志云據宋史崔縱撫州臨川人不知舊志何據而以
爲歷城人也

金

范拱字清叔濟南人九歲能屬文深於易學宋末登進士第調廣
濟軍曹權邦彥辟爲書記攝學事劉豫鎮東拱撰謁廟文豫奇
之深加賞識拱獻六箴僞齊國建累擢中書舍人上初政錄十
五篇一得民二命將三簡禮四納諫五遠圖六治亂七舉賢八
守令九延問十畏慎十一節祥瑞十二戒雷同十三用人十四
御將十五御軍豫納其說而不能盡用也久之權尙書右丞進

濟南府志

卷四十七

人物三

聖

左丞兼門下侍郎豫重斂民財而刑法嚴急境內苦之拱兄異
及右丞相張孝純請革其弊豫不從異坐貶官自是無復敢言
者拱曰吾言之則爲黨兄不言則百姓困弊吾執政也宜爲百
姓言之乃上疏其畧以爲國家懲亡宋重斂弊什一稅民本務
優恤官吏奉行太急驅民犯禁非長久計也豫雖未卽從而亦
不加譴拱令刑部條上諸路以稅抵罪者凡千餘人豫見其多
乃更爲五等稅法民猶以爲重也齊廢梁王宋弼領行臺有事
拱爲官屬宋弼訪求百姓利病拱以減稅爲請宋弼從之減舊
三分之一民始蘇息拱慎許可而推轂士李南張輔劉長言皆
拱薦也皇統四年引疾求退以通議大夫致仕齋居讀書罕對
妻子世宗在濟南聞其名大定初拱上封事七年召赴闕除太

常卿議郊祀或有言前代都長安及汴洛以太華等山列爲五岳今旣都燕當別議五岳名寺僚取嵩高疏周都鄴鎬以吳嶽爲西岳拱以爲非是議畧曰軒轅在上谷在恒山之西舜居蒲坂在華山之北以此言之未嘗據所都而改岳祀也後遂不改拱嘗言禮官當守禮法官當守法若漢張釋之可謂能守法矣故其議論確然不可移奪九年復致仕卒於家年七十四

范巽拱之兄劉豫僭號時爲侍郎豫以什一稅民名爲古法其實哀斂而刑法嚴急吏箠緣爲暴民久罹兵革益窮困陷罪者衆巽極言其弊請仍因履畝之法豫不從巽坐貶官

董積躬字師道濟南人天德中舉進士歷縣尹知海州羣盜出沒積躬峻城郭嚴斥堠盜不入境尋規措京兆府三白渠事至日

濟南府志

卷四十七

人物三

聖

以便民爲已任凡所灌溉均得其利累官山東東路轉運都勾判官兼提舉學校事

歷城志云按山東通志董積躬墓在青城縣西北二十里而舊志載入人物不知果是縣人否又金曰縣令不曰尹年號有天德無大德未敢擅改姑記以俟考

趙摯興濟南人明昌五年以德行才能爲本路所舉詔特賜同進士出身

李之翰字用卿濟南人宋宣和末第進士人有勸參童貫可以徑至館職者之翰謝不往金兵破洺州之翰被縛見帥語及君臣之際情辭慷慨帥憐之遂被錄用守涇州陷侍郎田珏黨除名徙上京遇赦復官終於東平州判官之翰工詩元好問稱其學

有淵源東州詩人未見其比獨其在洛州未知何官子謙靈石尉

王繪字質夫濟南人天會二年進士仕至太常卿嘗注李白詩其武陟道中詩頗稱於世

中州集

歷城志云按王繪撰大聖院碑署曰少中大夫保德州刺史兼知軍州事以碑文所述考之繪乃皇統九年進士非天會二年且碑作於大定二十八年若登第在太宗天會二年則距作碑時六十七年不應如是之八也

周馳字仲才濟南人經學師王廣道賦學師李時亨又與党懷英趙沨爲忘年友賦性古雅而以襟量見稱大定中在太學屢以策論魁天下私試亦頗居第一家素封鄉人強遣子弟從之學

濟南府志

卷四十七

人物三金

四

東脩所入盡散諸生之貧者貞祐之兵濟南城陷馳不肯降擣二孫赴井死鄉人葬之宅後壽樂堂遼東吳子英嘗從馳學記其亞父撞玉斗賦及他文數篇學者稱迂齋先生

歷城志云按周馳死於貞祐三年之難雖金史不載其未嘗入元不待辨也而元別有周馳聊城人恐有誤合爲一人者故及之

劉昂字次霄濟南人承安五年進士調鄆縣令同官劉光甫稱其

高才博學詩時有佳句云

中州集

歷城志云按金史文藝傳別有劉昂興州人與此無涉堯山堂外紀云劉昂字之昂興州人大定十九年進士又有劉昂字濟霄者以先有劉昂號小劉之昂據此則次霄一作濟霄

而小劉之昂之字或是衍文

按金劉祁歸潛志小劉昂泰和南征作樂章一闕上平西爲時所傳其詞云蠶鉗極蟾臂展□□□敢盟寒似洞庭彭蠡狂瀾天兵小試萬蹄一飲楚江乾捷書飛上九重天春滿長安舜文明唐日月周禮樂漢衣冠洗五川煙瘴江山全蜀下也劍關何用一泥丸有人傳信日邊來都護先還終鄒平令陳壽愷濟南人幼聰慧博學強記能文章不求顯達徜徉自放年老遊靈巖愛泉石之勝遂卜居焉與釋雲公釋禪旨入精奧雖戒壇老衲有不及三十年不出山壽九十五

趙鑑字擇善濟南章邱人宋建炎二年進士調廬州司理叅軍是時江淮方用兵鑑棄官還鄉里僞齊國建除歷城丞轉長清令

濟南府志

卷四十七

人物三

鑒

皆劇邑難治鑑政甚著劉豫召見遷直祕閣提舉涇源路弓箭手兼提點本路刑獄公事戒之曰邊將多不法可痛繩之原州守將武悍自用以鑑年少易之鑑發其姦守將坐免郡縣聞風無敢犯者齊廢除知城陽軍改山東東路轉運副使攝行臺左司郎中行臺宰相欲以故宋宦者權都水監鑑曰誤國闔豎沐人視爲寇讎付以美官將夫人望遂不用以母憂解職天德初起爲濟州刺史移涿州海陵召鑑入朝應對失旨遣還郡俄除知火山軍以病免大定初起知寧海軍秋禾方熟好蚘蟲生鑑出城行視蟲乃自死再遷鎮西軍節度使改河北西路轉運使致仕卒

章邱縣志云按舊志有兩趙鑑一列於宋一列於金且云或

一人或二人俱不可考誤也

劉異政鄒平人汝翼之曾祖也擢進士科官隆平主簿時西山劇賊千人據險爲砦劫掠近村朝廷責州將禽之州將謀於其屬皆懼怯莫敢應異政毅然曰兵力單弱豈能取勝獨當以氣奪之耳常服詣賊砦言已所以來情詞忼慨羣盜懾服留與宴飲異政爲之留明日與其酋俱下詔遷白馬令以賞其功異政生仲以質雄於鄉以賜急爲務仲生時昌大定初以明律學仕判官終左三部檢法伸第四子卽汝翼也

劉汝翼伸第四子幼有至性生六歲父卒於燕薨葬城南僧舍旣冠欲往求旅櫬母隣其弱不許後因東平鄉試徑至燕歲月旣久邱壟湮沒哀求十餘日乃得刻壁舊志扶櫬東遷貞祐四年

濟南府志

卷四十七

人物三

吳

以經義第一人擢第特賜緋衣銀魚百年來御題試士以趙丙翰承元賦超出等第有司目爲金字品及汝翼經義第一亦獲金字之褒丁母憂服除借注盧氏主簿入爲尚書省掾遷同知嵩州軍事兼陽翟縣令縣戶籍三萬餘豪猾所聚令丞少不自檢爲所把持汝翼下車差次貧富一一籍記之凡一夫之役斗粟之斂必均大豪有以包苴私見欲相污蔑者輒發其奸並揭所賄以號於衆巨室大家平昔武斷人不敢攫一爲平民所訴必深治而痛繩之黜賊褚二養丐者爲子令與富民羅氏鬥毆有勸者卽斂手退退後以大杖於隱處擊兒胸背盡腫復以藥殺之就富民家索命汝翼燭其奸械褚送獄褚無憚不卽承乃移繫尉司宿賊處以計覘之數日褚悅宿賊爲吐其情情得卽

使褚償丐者命考滿換洛陽令陽翟父老百餘人詣都堂請留不許縣中爲之立生祠焉洛陽政成召爲戶部主事正大八年超同知汝州防禦使事留爲戶部員外郎官大中大夫輕車都尉彭城郡開國伯食邑七百戶賜紫金魚袋河南受兵金亡元命其北歸僑居鎮陽兩爲大臣所辟癸卯朝命授官乃力求引退往來燕齊閒壬子年卒從其講學者如羅鼎臣張廷揚李浩往往甲乙擢第元遺山好問亦以詩文受知故爲志其墓焉

鄒平縣志接徐政舊志云元劉汝翼登延祐狀元授刑部侍郎兼行省左右司郎程素期志謂延祐無此狀元劉公墓在大三戶莊元遺山撰碑取以校之兩志皆誤公乃金人非元人金宣宗貞祐四年狀元所歷官階亦與徐志迥異碑叙正

濟南府志

卷四十七

人物三
金

署

大八年以後筆墨匆匆按金哀宗正大九年收元開興旋收天興元兵攻汴和議不成哀宗不得已而出明年六月如蔡又明年正月元兵破蔡金亡劉公之得彭城郡伯定以扈從功而碑畧之好問故金臣殆有不忍明言及不敢明言者歟公北歸後爲大臣所辟是幕客耳及朝命授官則引退始終未仕元故好問止以金爵大中大夫表其墓歟

張順淄州士伍淄州被圍行省侯繫遣總領提控王庭玉將兵救之庭玉募順等往覘兵勢且欲令城中知援兵至乘夜潛至城下順爲所得執之使宣言行省軍敗宜速降順佯許諾旣乃呼謂城中曰外兵無多王節度軍且至堅守毋降兵刃交下順曰得爲忠孝鬼足矣遂死淄人知救至死守城賴以完後贈宣武

將軍同知棣州防禦使事詔有司給養其親且訪其子孫優加任用

楊敏中淄川人官屯留縣尉致仕張乞驢淄州民貞祐初元兵取淄州軍判齊鷹揚募兵備禦城破率眾巷戰鷹揚等三人創甚被執欲降之鷹揚伺守者稍怠即起奪槊殺數人敏中乞驢皆不屈以死詔贈鷹揚嘉議大夫淄州刺史仍立廟於州以時致祭敏中昭勇大將軍同知橫海軍節度使事乞驢特贈宣武將軍同知淄州軍州事

張貴字國寶歷城人性孝友善騎射大安中朝廷選天下猛士守衛京師貴時方弱冠中選以功累遷輔國上將軍行高苑縣令已而充山東路兵馬左副元帥終於般陽軍節度使金季山東

濟南府志

卷四十七

人物三

吳

豪傑角立貴實爲甲乙是時行省張林約爲弟兄以貴兄榮爲腹心以貴爲爪牙一時諸將無不景仰其爲人輕財好義政務寬簡省刑薄賦百姓帖然享富貴之樂結交以誠信家資鉅萬悉委之昆弟其字量寬宏如此

按此傳據新城縣志錄之歷城志另有辨附元張榮傳後

張洎齊河人急義好施明昌五年詔復役終其身仍著於令秦著齊河人歲饑嘗蠲粟千石以賑貧民有司立石紀其事

楊君烈字清卿濟陽人泰和中登進士第數歷中外蔚爲名臣仕終太府少監累階通議大夫勳輕車都尉爵宏農郡開國伯食邑七百戶

杜忱字信卿長清人姿美行潔以詞賦雄東州試爲益都路魁登

進士授京兆錄事判官以疾旋里初兵亂中行仁布德全活數萬人命後以疾終於家

房維楨字周卿濟南人少擢第南渡爲左司都事司農少卿出刺申州召爲刑部郎中卒爲人謹愿讀書能詩頗好賢

馬驥禹城人登進士歷官有聲貞祐三年爲曹州濟陰令四月元克曹州驥被執軍卒掙掠求金驥曰吾書生何從得是又使跪驥曰吾膝不能屈欲殺即殺死得爲大金鬼足矣遂遇害贈朝列大夫泰定軍節度副使仍樹碑於州歲時致祭貞祐四年七月詔以其男惟賢於八貫石局分收

按馬驥死國事明嘉靖初禹城令呂德欲請祀鄉賢求正於武城王順渠順渠曰金人也何與我事事遂寢至三十五年

濟南府志

卷四十七

人物三

吳

訓導杜河力舉乃祀鄉賢

高鯤化字圖南平原人能詩如盤中酒影金蛇活與流虹聚石疇之句皆奇雋不凡元好問中州集於張子羽傳中盛稱之卽馬定國齋堂集師友六人之一也馬有懷高圖南詩云劉義一狂士尙得韓愈知君才百劉義知者果其誰三隨計吏貢躡屩游京師文章善變化不以一律持碧海涵萬類青天行四時其才可想見矣

朱虎通丞相高琪子琪爲相頗專擅以罪死而當時用事之臣方修舊怨欲甘心於通懼與其弟道携家亡命至章邱寄居焉厥後子孫去虎字以朱爲姓

劉照字明遠章邱人有才學以貲財雄鄉里號爲長者明昌初大

早發粟濟貧遠近疏戚咸賴焉子珂居兄喪不御酒肉三年太和閒自冬至春大雪珂爲粥於門以食餓者終長清豐齊稅監子鼎自有傳

張仲世爲濟南章邱人昆弟四人皆入粟佐軍受進義校尉金季率諸子力田爲業置家塾率衿佩就學申之以孝弟之義禮俗爲之寢復子琮澤

王宏字彥博章邱人幼敏慎工書長通習吏事補縣吏尋擢郡曹俱以廉平稱興陵朝越王出知濟南選充書掾言動端謹王雅重之將薦之朝辭不就退居鄉閭閒平心率物人有爭訟者輒訴於門宏必諭以禮繩以法要底於無事其有悍戾弗率者更飲之酒人亦化之承平之時朝廷重以爵與人任子當廕補者

濟南府志

卷四十七

人物三

辛

率得任官保識皆連其告身於縣於府委官對驗然後奏補故簪笏之家阨於無津邑有王姓故觀察之後自拔無由宏遂引致達官得其狀階之以仕後以廕敘及困躓連蹇久不能調者輒力爲賑給使獲銓調而後已貞祐四年卒葬於女郎之麓壽六十六子四人長琳次瑾次瓌次庭珪

濟南府志卷四十八

人物四

元

張榮字世輝濟南歷城人父衍以急人之難稱於鄉里榮狀貌奇偉嘗從軍爲流矢貫背拔之不出令人以足抵其額而拔之神色自若金季山東羣盜蜂起榮率鄉民據濟南覺堂嶺衆稍盛遂畧章邱鄒平濟陽長山新城及淄川之地而有之兵至則清野入山處丙戌東平順天皆屬元榮遂納款引見元太祖問故對曰山東地廣人稠悉爲帝有臣若但有倚恃亦不款服元主壯之授金紫光祿大夫山東行尚書省兼兵馬都元帥知濟南府事時貿易用銀民爭發墓劫取榮下令禁絕庚寅朝廷集諸

濟南府志

卷四十八

人物四

一

侯議取汴榮請先六軍以清蹕道元主嘉之賜衣三襲詔位諸侯上辛卯軍至河上榮率死士宵濟守者潰請且散其整陣至榮馳之望風披靡奪戰船五十艘衆軍繼進乘勝破張盤二山寨俘獲萬餘大將阿朮魯恐生變欲盡殺之榮力爭而止癸巳汴梁下從阿朮魯爲先鋒攻睢陽議欲殺俘虜烹其油以灌城又力止之旣而城下榮單騎入城撫其民甲午攻沛沛拒守稍嚴其將唆蛾夜來擣營榮率將士追殺之乘勝急攻城破就攻徐州守將國用安引兵突出榮逆擊之亦破其城用安赴水死乙未拔邳州丙申從諸王潤端破棗陽仇城等縣時河南民北徙至濟南榮下令民間分產與地居之俾得樹畜且課其嚴最曠野闢爲樂土是歲中書考績爲天下第一李璿據益都私餽

以馬蹄金榮曰身旣許國何可擅交鄰境却之後十九年世祖卽位封濟南公致仕卒年八十三贈推忠宣力正義佐命功臣太師開府儀同三司上柱國追封濟南王諡忠襄子七人長邦傑次邦直邦彥邦允邦孚邦昌邦憲孫四十人

張邦傑榮之長子襲爵勤於撫字凡可以裕民生植邦基者力陳於上賦之病民者數請蠲貸皆報可且以新造金虎符異金織幣服賜之而民或不堪賦及不得請至均爲代輸之流民以歸疲瘵以蘇事集而人不擾朝廷考課爲天下最乃割河間之將陵臨邑等六處以旌治績仍升將陵爲州生子宏襲爵

歷城縣志云按新城縣志張貴字國寶歷城人官般陽軍節度金季山東豪傑角立貴實爲甲乙是時行省張林約爲弟

濟南府志

卷四十八

人物四

二

兄以兄榮爲腹心以貴爲爪牙蓋據貴之父忠墓碑以爲傳而其云歷城人則因歷城別有張榮而誤與貴兄合爲一人也明萬歷閒鄭獨復作新城舊事已辨其非一人王漁洋分甘餘話嘗采之新志或未見鄭說耶張忠碑爲鄉貢進士劉贊作在新城之子家堤碑云張氏高苑成良里人蓋其地在金元屬高苑益知與忠襄無涉也

張宏字可大幼嶷然如成人長博通諸國語及嗣爲政以繼述爲心屬大旱徒步四十里禱雨龍洞旣奠而雨雪足在軍旅捐循士卒號令嚴明累奏戰功於襄揚二州元世祖在王邸代宋宏爲前鋒得生口輒詢山川地形途所從出城郭向背主將誰某倉儲守兵幾何一一陳之且逆畫進取之策旣捷卒如其言拔

木欒山塞獲男女萬餘人咸釋之至陽羅堡請以四百艘先濟江奪大船名白鷓者一大戰江中連勝偏將以二百艘抵南岸宋師奔潰而宏之北斗旗已樹矣世祖整軍渡江至鄂州宏先諸軍攻城登其陣連戰陷之命籍府庫秋毫無所私世祖卽位下詔褒宏能繼祖父功俾帶虎符授濟南府行軍萬戶管民總管凡在所屬並聽節制中統三年春李璫叛詔以諸王合必赤總兵擊之以宏爲前導而璫已據濟南諸道兵旣合乃築城周六十里圍之璫不得出宏率卒斷其餉道攻下寨柵賊數突圍宏遞却之遷大都督秋七月璫伏誅宏言濟南民無罪軍士不得入城肆掠諸軍肅然至元初遷正定路總管兼府尹加鎮國上將軍九年元師次襄陽起宏爲懷遠大將軍新軍萬戶佩金

濟南府志

卷四十八

人物四

三

虎符宋安撫呂文煥守襄陽攻之不下曰得張濟南一言吾無盟矣詔宏往諭卽舉城降十年授襄陽等處統軍使總兵十七萬人十三年宋平宏悉歸功諸將以積勞致疾堅乞骸骨以歸二十四年十一月卒於濟南私第子二人元節襲爵元里建昌路達魯花赤宏孫那懷襲征西萬戶

張宓字淵仲邦憲子也邦憲爲淮安路總管贈宣忠秉義功臣中

奉大夫河南江北行中書省參知政事護軍追封濟南郡公諡貞毅宓幼以質子入侍武宗潛邸賜名蒙古台武宗立授尚沐奉御嘗見便殿命陳古聖人可法者宓曰臣家濟南帝舜廟在

焉舜聖人也因陳舜豫親數事且曰帝王之德莫大於孝上嘉納後山東以蝗旱聞命宓走舜廟致禱訖事而雨蝗則盡死還

奏稱旨錫金織衣一襲仁宗卽位遷知滕州陞辭賜海東青鷹以寵之滕有昆弟訟財者宓喻以天倫之重民友睦如初杖豪強柄持官府爲治梗者閤境肅然麥一莖秀至三四穗州人歌之治遂最諸郡入爲度支監丞出知南陽府未行轉兵馬司都指揮使遷彰德路總管緇賦罷運費境中舊多盜宓令村各置鼓盜發則擊鄰村相應亦擊盜驚駭皆遁去天歷初擢山北廉訪副使改保定知樞密院事也先尼駐軍城外五里給吏民至盡戮之復令屠城宓時以病在告昇疾至帳下曰軍士不能拒敵而潰法所不赦樞密已刑百餘人矣復欲屠城萬一激生他變咎復誰任我以身代民死其勿恐民也先尼默然解圍而去命宓諭民以不殺故民間宓來歡聲如雷手額以更生相賀

志

卷四十八

人物四

四

除逃民賦調正定移平江積訟牒七百餘旣下車剖析畧盡請罷平江杭州集慶提舉司衆賴少蘇順帝元統二年召爲吏部尚書明年拜領北行省參知政事皆善於其職以病歸至正三年起爲山東東西道宣慰使山東食鹽爲民害宓請復行鹽法以便民益都路增油稅至四千五百定羨十倍下令禁止三路十三州民訟久不決者宓督攝之六閱月分命有司決絕三千一百八十四事未及引年乞致仕歸濟南卒年六十六贈中奉大夫江浙等處行中書省參知政事護軍追封濟南郡公諡宣懿子元輔以廕授忠顯校尉奉元路務提領孫樞

秦津世爲歷城人胡國公叔寶之後高祖昌業農祖德父寶嘗出資濟人津有勇力十六七學騎射里人多從之貞祐中金主遷

汴梁河朔不守從行尚書省畧定濟南授歷城縣軍民提控歲
丁亥走東平行尚書省嚴實素知津署歷城縣令兼本軍提控
隸兵馬總管趙完壁帳下其冬取彰德進攻太行李合寨功在
諸校先壬辰正月提步卒千人渡河攻蓋岡捷之別招老幼萬
餘人牛羊馬萬數還駐曹州地界魯汴兵糧者二十年城郭盡
爲瓦礫津督老幼構廬舍若將久居者實過而見之謂可守卽
使領州事十二月金兵由閒道取衛州濟自黃陵岡同知蘇山
潛納之且謀殺津津夜奔求援東平得精兵千餘生擒其副使
李進等十七人復保曹州金兵不能至衛回走歸德因正授曹
州長官居十六年遷德州防禦使二年復還曹州刺史歲餘又
改德州前後典郡二十年提兵數千里多治蹟子四人世勻世

濟南府志

卷四十八

人物四
元

五

傑世英世顯時又有武畧將軍泰安州倉使秦忠者蓋其弟云
孫慶字伯善世爲濟南人父榮有隱德慶資稟性厚金貞祐之亂
嚴實壁青崖山慶挈家依之以對問當其意得隸帳下凡所戰
攻慶皆從焉實據東平宋將大名彭義斌圍實實乃與連合義
斌拜慶爲長強之而西慶密遣騎告難元之大帥率數千騎來
援遇于贊皇西山慶獻計于實曰援兵旣至我當入北軍以張
其勢成敗在此舉幾不可失也慶馳赴之將士皆殊死鬪大名
軍遂潰擒義斌故地盡復實承制封拜授慶忠武校尉濟南府
軍資庫使改行尚書省應辦使歲壬辰遷武畧將軍威捷軍都
指揮使兼巡捕事再加宣武將軍己亥遷本路鎮撫軍民副彈
壓兼行東平府錄事慶莅事嚴明有能聲然性剛直與事多忤

卒罷去及實子忠濟爲行臺念其爲舊人復都指揮使及巡捕事未幾以疾告而忠濟使其子天益代往慶篤於交誼人以此稱之慶年五十七卒子天益天瑞天寵孫德安翁安壽安世安承安

按元遺山所作墓碑但言從先相光祿公而不言姓氏以元史考之知爲嚴實無疑又所云告難於國兵大帥疑卽亭里海也

嚴實字武叔泰安長清人畧知書志氣豪放不治生產喜交結施與落魄里社閒癸酉秋元太祖率兵自紫荆口入分畧山東金東平行臺調民爲兵以實爲百戶甲戌春泰安張汝楫遣將攻長清實破走之授長清尉戊寅權長清令宋取益都乘勝而西

濟南府志

卷四十八

人物四

六

行臺檄備芻糧守禦實出督租比還而長清破俄以兵復之有譖於行臺者謂與宋有謀以兵圍之實挈家避青崖宋以實爲濟南治中分兵四出所至無不下於是太行之東皆受節制庚辰三月金河南軍攻彰德守將單仲求救實請於主將張林以兵赴之比至仲被擒實知宋不足恃七月謁元太師木華黎於軍門挈所部彰德大名恩博等州戶三十萬來歸木華黎承制拜實金紫光祿大夫行尚書省事進攻曹濮單三州皆下之偏將李信鎮青崖有罪懼誅殺其家屬降宋辛巳實以兵復青崖擒信誅之攻東平金將遁實入居之壬午宋將彭義斌率師取京東州縣實將晁海以青崖降盡掠實家義斌軍西下乙酉四月圍東平大將孛里海兵久不出乃與義斌連和以兄事實時

麾下宿尚數千七月義斌下真定與李里海等軍相望實知勢迫急赴李里海軍與之合遂與義斌戰宋兵潰擒義斌不旬月京東州縣復爲實有是冬木華黎之弟帶孫取彰德明年取濮東平又明年木華黎之子孛魯取益都實皆有功焉庚寅四月朝元太宗于牛心之幄殿賜之坐宴享終日賜以虎符甲午朝于和林授東平路行軍萬戶偏裨賜金符者八人先是實之所統凡五十餘城至是惟德克濟單隸東平初彰德既下又破水柵帶孫怒其反覆驅老幼數萬欲屠之實曰此國家舊民吾兵力不能及爲所脅從果何罪耶帶孫從之繼破濮州免者又數萬後於曹楚邱定陶皆然時兵由武關出襄鄧實在徐邳間約束諸將毋妄殺掠靈璧當誅者五萬人實悉救之會大饑民北

濟南府志

卷四十八

人物四

七

徙者多餓死實命作糜粥盛置道傍全活者衆實部曲有逃歸益都者數十人益都破皆獲之以爲必殺實置不問王義深者義斌之別將聞義斌敗將奔河南實族屬在東平者皆爲所害河南破實獲義深妻子厚周卹之送還鄉里終不以舊爲嫌其寬厚長者類若此庚子卒年五十九遠近悲悼野哭巷祭旬月不已中統二年追封實爲魯國公諡武惠子七人長忠貞金紫光祿大夫

嚴忠濟一名忠翰字紫芝實之第二子也儀觀雄偉善騎射辛丑從其父入見元太宗命佩虎符襲東平路行軍萬戶管民長官開府布政一法其父養老尊賢治爲諸道第一領兵畧地淮漢偏裨部曲戮力用命忠濟初統千戶十有七乙卯朝命括新軍

山東益兵二萬有奇忠濟弟忠嗣忠範爲萬戶以次諸弟暨勳將之子爲千戶城戍宿衛斬縣而忠濟皆統之己未世祖南伐詔率師由閒道會鄂親率勇士梯衝登城師還忠濟選勇敢二千人命千戶將之甲仗精銳所向無前大臣有言其威名太盛者中統二年命忠範代之忠濟治東平日借貸於人代部民納逋賦歲久愈多及謝事債家執文券來徵世祖聞之悉命發內藏代償東平廟學故隘陋改卜高爽地于城東教養諸生後多顯者幕僚如宋子貞劉肅李昶徐世隆俱爲名臣至元二十三年特授資德大夫中書左丞行江浙省事以老辭二十九年賜鈔萬五千緡宅一區召其子瑜入侍三十年卒諡莊季

嚴忠嗣實之第三子也少從張澄商挺李楨學畧知經史大義辛

濟南府志

卷四十八

人物四

八

亥其兄忠濟授以東平人匠總管遙領單州防禦使事乙卯充東平路管軍萬戶丁巳從忠濟畧地揚州取邵伯埭首立戰功己未南征從忠濟渡淮分兵出桂軍嶺與宋兵相拒三晝夜殺獲甚衆始達蘄州及渡江抵鄂分部攻城九十餘日戰甚方師還授金虎符中統三年李璫叛宋兵攻蘄州勢張甚徐州總管李果哥降于宋齊魯山寨爲宋所據忠嗣從大師按脫救蘄縣復徐州執李果哥殺之攻鄒之嶧山滕之牙山多所殺獲賜銀二百兩幣五十端四年元懲青齊之亂大藩子弟不得親政於是罷官家居至元十年卒

趙福淄川人父珍百夫長從濟南張榮取河南攻壽州充倉使珍老福代其職從守靈璧攻五河口屯睢州立虹縣加總把又攻

泗州同屯睢州修立周龍岡授南合中書劄付既又修立海州
宋人來攻福率眾敗之賞絹三十疋又從張榮孟德攻鄂州駐
黃州修立白虎山充本府都鎮撫至元四年從伐京南府凱旋
襄陽伐宋軍慶戰首建奇功賞銀幣給上百戶俸十二年收漣
海攻淮安圍維揚在邵伯水軍營屯駐時邵萬戶押運寶貨船
至高郵界空被劫福率眾掩殺奪回寶貨十三年第戰守功授
忠顯校尉充管軍總把是年在露筋廟伏兵奪獲敵糧八千餘
石賞銀牌受監戰萬戶府劄付充五軍都撫十五年換授勅牒
加昭信校尉管軍總把淮安州等處都鎮撫權總管府事

趙受益字謙甫祖父成由祖以上世居青州西流河之南蔡家
里金貞祐中成逃難來濟南卒葬歷城西南龜山之下十里河

濟南府志

卷四十八

人物四

九

之原故遂爲郡人焉受益自弱冠習文法書數任事不避繁劇
嘗官者以爲能吏省部八舉居會計之職未嘗不課最性慷慨
側儻不事羈束初吳人黃清卿在俘囚中受益憐其才傾囊贖
之以歸使子姪輩從學待以師禮黃一旦有南歸之恩厚贖之
且令送達其家爾後游宦江左數年視他人所好子女玉帛棄
若涕唾唯收書數千卷而已至元癸巳以疾卒於家年五十有
九趙孟頫爲撰墓碣子二人元禎勤讀書元溥爲吏廉

高信先姓宋世爲歷城人金季避亂徙章邱沙埠莊改姓高貌魁
偉有膽畧元丞相伯顏統兵取宋信爲隊長以其屬報劾首虜
獎以錦二端白金二鑑授都鎮撫暨混一遂不復仕卒年八十
有五子文仕至陵州知州在官秉正不阿修傳舍捕盜賊四境

肅然

劉伯林濟南人好任俠善騎射金末爲威寧防城千戶壬申歲元太祖圖威寧伯林知不能敵請以城降太祖許之問在金爲何官對曰都提控卽以元職授之命選士卒爲一軍招降山後諸州太祖北還留屯天成邊金兵前後數十戰進攻西京錄功賜金虎符充西京留守兼兵馬副元帥癸酉從征山東乙亥同國王木華黎攻破燕京丁丑復從軍攻下山東諸州木華黎上其功賜名馬二十匹錦衣一襲戊寅同攻下太原平陽己卯破潞絳及聞喜諸州縣時論欲徙聞喜民實天成伯林以北地喪亂人艱於食力爭而止之部曲所獲俘虜萬計悉縱之在威寧十餘年務農積穀與民休息鄰境凋瘵而威寧獨爲樂土嘗曰吾

濟南府志

卷四十九

人物四

十

聞活千人者後必封吾之所活何啻萬餘人子孫必有興者乎辛巳以疾卒年七十二累贈太師封秦國公諡忠順子黑馬

劉黑馬名嶷字孟方伯林之子始生時家有白馬產黑駒故以爲

小字後遂以小字行驍勇有志畧年幾弱冠隨父征伐大小數

百戰出入行陣畧無懼色嘗獨行遇金兵圍本部十三人卽奮

劍入圍手殺金兵數人十三人皆得脫歲壬午襲父職爲萬戶

佩虎符兼都元帥從孛羅等攻西夏東平大名乙酉從孛羅討

正定破之金將忽察虎以兵四十萬復取山後諸州道戰隘胡

嶺大破之斬忽察虎己丑元太祖卽位始立三萬戶以黑馬爲

首授金虎符充管把平陽宣德等路管軍萬戶仍兼太傅府事

統管漢軍從征回回河西諸國及破鳳翔西河沔州諸城堡庚

寅睿宗伐金命由興元東下至三峯山與金將合達戰斬首數萬級攻破香山寨及鈞州賜西錦良馬貂鼠衣以旌其功增立七萬戶仍以黑馬爲首癸巳從破南京賜繡衣玉帶甲午從破蔡州滅金乙未同都元帥答海緝卜征西川辛丑改授都總管萬戶統西京河東陝西諸軍萬戶尋命巡撫天下察民利病應州郭志全反脅從誣誤者五百餘人有司議盡戮之黑馬止誅其爲首者數人餘悉從輕典丁巳入覲請立成都以圖全蜀從之成都既立就命管領新舊軍民大小諸務賜號也可禿立中統元年密力火握兵居成都慮其爲變矯詔誅之其子訴於朝世祖諭之曰朕命也其勿復言三年命兼成都路軍民經畧使瀘州被圍黑馬已屬疾猶親督轉輸不輟卒年六十三累贈太

濟南府志

卷四十九

人物四

十一

傅封秦國公諡曰忠惠子十三人元振元禮顯

劉元振字仲達黑馬長子也隨父入蜀立成都會商鄧閒有警命

黑馬往鎮商鄧以元振攝萬戶時年方二十旣莅事號令嚴明

賞罰不妄麾下宿將皆敬服之世祖卽位爲成都經畧使總管

萬戶宋瀘州守將劉整密送款求降黑馬遣元振往受之諸將

皆曰劉整無故而降不可信也元振曰宋權臣當國賞罰無章

有功者往往以計除之是以將士離心且整本非南人而居瀘

南重地事勢與李全何異整此舉無可疑者遂行元振至瀘整

開門出迎元振棄鞍而先下馬相見示以不疑明日請入城元

振釋戎服從數騎與整聯轡而入飲燕至醉整心服焉獻金六

千兩男女五百人元振以金分賜將士而歸還其男女宋瀘州

主帥俞興率兵圍瀘州晝夜急攻自正月至五月城幾陷左右勸元振曰事勢如此宜思變通元振曰人誠歸我旣受其降豈可以急而棄之且瀘之得失關國家利害吾有死而已食將盡殺所乘馬犒將士募善游者齎蠟書至成都求援又權造金銀牌公賞有功未幾援兵至元振與整出城合擊與兵大敗之斬其都統一人興退走捷聞且自陳擅造金銀牌罪元主嘉其通於權變賜錦衣一襲白金五百兩入朝又賜黃金五十兩弓矢鞍轡黑馬卒授成都軍民經畧使至元七年時議以勳舊之家宜稍裁抑遂爲成都副萬戶十一年命兼潼川路副招討使十二年卒年五十一子緯

劉緯元振之子數從父行軍襲職佩虎符爲萬戶守潼川創立遂

濟南府志

卷四十八

人物四

三

宜諸處山寨從圍釣魚山數戰有功攻合州授潼川路副招討遷副都元帥復授管軍萬戶遷同知四川西道宣慰司事入朝進四川西道宣慰使拜陝西行省參知政事卒

劉元禮黑馬第五子也性渾厚有謀嘗從父在軍歲甲寅授左副

元帥至元元年遷潼川路漢軍都元帥二年九月宋制置夏貴

率軍五萬趨潼川元禮所領纔數千衆寡不敵諸將登城望貴

軍有懼色元禮曰料敵制勝在智不在力乃出戰屢破之復大

戰蓬溪自寅至未勝負不決激厲將士曰此去城百里爲敵所

乘則城不可得入潼川非國家有矣丈夫當以死戰取功名時

不可失也卽持長刃大呼突入陣所向披靡將士咸奮無一不

當百大敗貴兵斬首萬餘級生擒千餘人捷奏賜錦衣二襲白

金三錠名馬一匹金鞍轡弓矢召入朝命復還潼川立蓬溪寨元禮又奏嘉定去成都三百六十里其間舊有眉州城可修復之屯兵以扼往來之路世祖從之四年命平章趙寶臣往視可否或以爲眉州荒廢已久立之無關利害元禮力爭之寶臣是其言遂興役七日而畢宋駭其速元禮鎮守眉州五年乞解官養母從之九年起授懷遠大將軍延安路總管卒

張仁其先棗強人自高祖遷於歷城縣東唐家道口遂占籍焉父萬嘗爲濟南帥府提控軍民仁資稟英烈善騎射事濟南張榮擢五軍都鎮撫兼領歷城縣軍民事後隨元帥察罕征江淮攻安豐久不下仁選銳卒十四人乘昏晦登城奮戈大呼餘軍繼集遂陷其城察罕嘉其勇以拔呼之賜銀盃許金帳內索食副

濟南府志

卷四十八

人物四

三

帥納忽又賜白金二錠仁散金給士卒及還張榮復使領歷城軍民事食采四戶年且老請以子信嗣任信以連海把軍百夫長隨世祖攻鄂州遇大礮中右股而還遂以弟佺代復授百夫長守把邳州以山東亂還里佺弟進以中統三年隨都督張宏巡防益都破長峪道攻謝水棚有功至元元年以沂鄉萬戶孟某舉薦授副千人長兼管四城兵馬事以病歸使弟巨源繼其職巨源曰吾兄弟五人有職者四吾樂聖賢之道不願仕也乃以從兄儀代

張儀仁弟義之子也義嘗攝歷城縣事爲防屬千戶儀弱冠以廕爲百夫長遣戍沂邳至元十年國兵南征以帥府命城正陽光期竣工尋以六安當南北之交使儀戍焉宋平詔賜馬千餘匹

置驛安慶以通江淮時儀守烏金驛宋故將遮所賜馬盡驅以去儀率所部追於驛南殊死戰大殪其衆生擒數十人盡復其馬送之大竹園復遇寇戰走之卒致馬而還歷戍正陽安慶壽春泗滁所至以才勇聞二十六年用帥府薦加授進義副尉元貞元年卒於軍年七十子守忠嘗隨儀習戰陣嗣百夫長

按以上二人據李吉劉敏中碑錄之

張炤字彥明濟南人父信以貴雄於鄉歲饑出粟賑貸鄉人賴以全活炤幼穎悟力學始補吏濟南上計壽陽行省有積年勾考未輸銀十萬五千兩炤條陳利害切至遂獲免徵民得無擾中統元年辟爲中書省椽俄遷右司提控案牘四年出爲山東路大都督府員外郎至元四年轉陝西五路西蜀四川行中書

濟南府志

卷四十八

人物四

四

省左右司員外郎八年進階奉訓大夫知兗州事時州境亢旱吏民懇禱不雨炤始至甘雨霑足聞屬邑有黠吏挾官府肆爲暴橫炤繩之以法杖出境外民害遂息十一年改受淮西等路行中書省左右司郎中丞相阿塔海領軍進攻瓜州鎮江炤運糧儲給戰具凡二年贊畫之力居多十三年揚州未下丞相阿朮提兵攻之五月宋將李庭芝棄城遁泰州炤領兵迫揚州城下躬往詔諭制置朱煥以城降庭芝亦就擒炤傳檄未下州郡皆望風款附從阿朮入覲世祖賜錦衣鞍勒十三年陞大中大夫揚州路總管府達魯花赤商議行中書省事佩金虎符時行省在揚州據南北要津炤撫綏勞來上下安之十六年改鎮江路總管府達魯花赤謝病歸購書八萬卷以萬卷送濟南府學

資教育二十一年起爲東昌路總管莅政二年吏民畏服以治最稱二十五年卒年六十四延祐五年贈大中大夫東昌路總管進封清河郡侯諡敬惠子用中沂州山場同提舉

按濟陽縣志張炳字彥明通志載張炤字彥明事跡係屬一人今濟陽治東北十里有張總管墓高詡碑云祖全父信三男長曰炳字彥明卽總管也當從縣志爲是

張均濟南人父山從軍以功授百戶遷總把戰死均襲百戶從親王塔察兒攻鄂州面中流矢中統三年從征李璫有功以總帥命陞千戶領兵守淄州至元六年從左丞董文炳攻五河口轉戰濠州北遇伏兵均率衆力戰敗之十年攻連州奪孫村堡十二年賜金符授忠翊校尉沂郊翼千戶從攻蕪湖奪宋戰船俘

濟南府志

卷四十八

人物四

五

四十餘人又從丞相阿塔海戰有功累擢明威將軍前衛親軍副都指揮使成宗卽位命屯田和林規畫備悉有法諸王藥木忽兒北征給餉賴之未嘗乏絕帝嘉其能賜予有加大德元年改和林等處副元帥歷宣慰司同知陞都元帥加鎮國上將軍延祐元年卒子世忠襲前衛親軍副都指揮使

李德章邱人倜儻剛直識時務先爲錄事司官辟攝參軍差科賦徭不擾而集至元六年補正軍額檄授百夫長圍攻襄樊復差往修築城堡督役如期完藏帥府錄效拔擢以目疾辭子三人

曰玉曰寶曰璣

李玉德之子驍勇善射通韜畧代父署行戎事父歿葬後行省撥軍委玉總把沙河排站轉漕饋餉惟本綱糧運先到未嘗妄施

鞭箠亦未嘗非分需科至元壬申從圍樊城被執堅銳突入南陣生擒總管以獻又于夜半破犯壘者甲戌春襲父百戶九月征至鄂奉省權劄本翼千戶十月拔取沙洋城堡獲守卒二名皆貸其死進攻新城率眾登陴得功十二年秋抵金焦二山對宋名將張世傑孫虎臣陳艦迎敵鼓譟急楫直衝其陣軍從之南軍悉沒玉軍律嚴明凡維泊處秋毫無犯擢爲省督鎮撫又授忠顯校尉管軍總把省閩通錄前後著明勲績授武畧將軍千戶加佩金符銅印鎮守松江卒年四十九贈武德將軍千戶侯賜祭葬子珪

李珪玉之子襲父職授金符忠顯校尉管軍千戶大德改元差鎮守海門海賊爲亂珪率軍掩捕餘黨盡獲延祐初移鎮崇明旋

濟南府志

卷四十九

人物四

共

進昭信校尉鎮守通州珪莅政三十五年屢承上司給驛起解封裝錢物一塵不染

李進章邱人初仕爲敦武尉累建功勲歷升都統其孫椿官都察院奉議大夫濟南路濱州知州驍騎尉後封章邱縣子子文蔚官沙縣尹文宜官寶昌州知州從子克良官江西行省文學

張立長清人初從嚴實畧江淮有功累遷都指揮使嘗率步卒轉粟和林道出應昌會帥爲變立命環車爲柵以備之賊眾矢下如雨立初發上都每車載二版乃建版于車矢不能入騎卒以戈撞之強弩繼發賊不得近相持連日乃解去加昭勇大將軍

聶金淄川人慷慨尚氣節金亡紅衲襖賊亂元帥張侯雅知其有

幹畧命率兵捕賊賊平卽其地授都巡家故饒鄉人有丁無田者以己業分畀之衆嘖嘖稱善焉

孟德濟南人元初由鄒平令累官同知濟南路事太宗卽位八年諸王洞端命德爲元帥佩金符領濟南軍攻宋徐州光州降其衆而有其地甲辰定宗母稱制以爲萬戶攻濠蘄黃等州有戰功憲宗三年命守睢州五年移守海州宋安撫呂文以兵巡邊德敗之丁巳從伯顏攻襄樊已未從世祖攻鄂州先登中統三年從征李壇壇平德以老告歸子義襲

孟義德之子襲萬戶領兵守沂邾中統四年賜虎符至元元年城邾六年從山東統軍帖赤如五河宋軍拒南岸義率兵渡河擊之凡數戰有功九年授懷遠大將軍遷宿州萬戶十一年宋制

濟南府志

卷四十八

人物四

七

置夏貴攻正陽義奪戰艦數艘遂敗之十二年掠地至安慶等處攻揚子橋獲功十三年三月改守杭州九月從下福建溫台等處累授昭勇大將軍招討使二十二年復爲沂邾萬戶元貞元年以老辭職子智襲

孟智義之子襲職授三珠虎符宣武將軍爲萬戶延祐二年進明威將軍以病去職子安世襲

高全臨邑人精武畧金末盜起結衆保捍鄉閭後率衆歸元授德州等處總管軍民仰之子禧歷任齊東霑化安邱商河縣尹獨尚寬簡縣宇有妖境內有虎禧默禱於天其恠遂滅虎亦並息杜仁傑長清人才宏學博元時累徵不起其子元素任福建閩海道廉訪使以子貴贈翰林院承旨資善大夫諡曰文穆

朱和德平人漢建義大將軍祐之裔初爲滋博鎮節度使不動聲色而遠近畏服拜行省參政駐節德州賜金虎符別割南郡十餘邑爲附庸歷任二十餘年未嘗妄殺一人卒年五十五州郡民泣思之子佐

朱佐和之子幼襲爵行軍千戶從憲宗西征師次釣魚山破敵有功賜佩銀符至元四年陞總管十一年第渡江之勞加武德將軍賜佩金虎符十二年攻降袁潭二州加宣德將軍十四年累敘前後大功拜懷遠大將軍鎮守袁州兼本州路總管達魯花赤

董進新城人初應募爲勇士以功累遷至武義將軍經營淄青二州授懷遠大將軍元帥左監軍分治高苑兼領鄒平事

濟南府志

卷四十八

人物四

六

姜彧字文卿其先萊陽人父椿避亂依濟南張榮因家焉彧幼穎悟好學榮守濟南辟爲掾陞左右司知事尋遷郎中進參議官中統三年彧與榮孫宏入上都因言益都李壇反狀已露宜先其未發制之未報明年春壇果反時諸郡不爲兵備壇卽襲據濟南彧棄家從榮招集散亡迎元諸王哈必赤進兵討之秋七月捕得生口言城中糧盡勢蹙彧乃昏夜請見哈必赤曰聞王陛辭時面受詔曰發兵誅壇耳毋及無辜今旦又城且破王宜早諭諸將分守城門勿令縱兵不然城中無噍類矣哈必赤曰汝言城破解陰陽耶彧曰以人事知之若待城破言於王晚矣明日賊衆開門出降乃下令諸軍敢入城者論以軍法壇就擒城中安堵如故彧以功授大都督府參議改知濱州時行營軍

士多占民田爲牧地縱牛馬壞民禾稼桑棗或言於中書遣官分畫疆畔捕其彊猾不法者置之法乃課民種桑歲餘新桑徧野人名爲太守桑及遷東平府判官民遮請留馬爲之不行至元五年拜治書侍御史出爲河北河南道提刑按察使賜金虎符改信州路總管後累遷陝西漢中河東山西道提刑按察使拜行臺御史中丞後以老病歸濟南尋擢燕南河北道提刑按察使三十年二月以疾卒年七十六子迪吉

劉斌濟南歷城人有勇力從濟南張榮起兵爲管軍千戶歲壬辰攻河南以功授中翼都統攻睢陽軍軍杏堆距陳州七十里聞陳整軍於近郊斌率衆夜破之又擊走太康守兵擒其將三日太康陷榮言於帥阿木魯曰太康之平摧其鋒者斌也移屯襄

濟南府志

卷四十八

人物四

九

陽軍乏食斌知青陵多積穀前阻大澤水深不可涉陳可取狀衆難之斌叱之曰彼恃險不我虞取可必也乃率百騎夜發獲敵人使道之前行汗澤中五十餘里遇敵兵斌捨馬揮槊突敵敗之得其糧數千斛遷官知中外諸軍事從攻六安先登破其城癸卯擢濟南推官辛亥授本道左副元帥乙卯陞濟南新舊軍萬戶移鎮邳州己未病謂其子曰居官當廉正自守毋贖貨以喪身敗家語畢而逝年六十有二贈中奉大夫參知政事護軍彭城郡公諡武莊子思敬

劉思敬斌之子賜名哈八兒都襲父職爲征行千戶元世祖南征從董文炳攻臺山寨先登中流矢傷甚世祖親勞賜酒易金符中統二年授武衛軍千戶從討李璫賜銀六十錠四年授濟南

武衛軍總管捕盜有功又賜銀千兩至元三年授懷遠大將軍侍衛親軍左翼副都指揮使四年命築京城八年授廣威將軍西川副統軍佩金虎符九年宋嘉定守臣魯萬壽攻成都哈八兒都邀擊敗之戰於青城奪所俘二千人還十二年轉同僉行樞密院事復攻嘉定取之瀘叙忠涪諸部及巴縣等寨十九族西南夷五十六部悉來降十三年圍重慶敗宋將張萬得其舟百餘六月瀘州復叛哈八兒都妻子沒焉乃率兵討擒其將任慶攻破盤山寨俘九千餘戶又獲其將劉雄及王世昌等夜入東門巷戰殺王安撫等遂克瀘州復攻重慶其將趙牛子降擒守臣張珏十六年蜀平拜中奉大夫四川行省參知政事行省罷改四川北道宣慰使十七年授正奉大夫江西行省參知政

濟南府志

卷四十八

人物四

三

事治吉贛盜民賴以安二十年卒年五十三贈推忠宣力果毅功臣平章政事柱國封濱國公諡忠肅子思恭字安道累官昭毅大將軍右衛親軍都指揮使思義宣武將軍昌國州軍民達魯花赤

孫福淄川人先世有游鄒平者至劉孫莊愛其土因挈族家焉傳至進又傳至信家計益充福少以材武稱金末兵起衆舉爲提控官保安鄉里盜不敢侵受撒里友駙馬劄付佩銀符充軍千戶元初以王子收河南功授鄒平縣丞子希武換授金符從征海州中流矢死希亮任長山主簿再任棗強爲政有能名希何至元乙巳充百夫長甲戌以從渡江授忠顯校尉丙子從軍收隆興攻建昌下韶廣有功戊寅加昭信校尉從擊飛雄飛英奪

戰艦軍資無算換承信校尉丁亥從征交趾陣歿有子晟以父功授昭信校尉壬辰從征贛州上賊首三十級從收贛州數有功

姚成金末避亂自寧海州來有拳勇能騎射一日羣行郊外一人持弓矢誇於衆成縮縮若無能俄而三兔歛起叢薄間弓人射不獲一成取其弓連三發三中衆始訝其能濟南二州民恃爲扞援聚而從者幾千人成不能止因曉衆曰我漢人也材微勢孤不能汝庇倘爲人疑反禍我矣今燕只國王中朝貴胄甚德而度可歸也率衆而往王喜甚承制署軍民元帥尋聞於上賜金符以旌其忠後朝廷黜滅諸侯王官屬遂歸其符節合族退歸鄒平之匡鎮最後占名數濟南以天年終生子貴

濟南府志

卷四十八

人物四

三

姚貴成之子事東諸侯張宏爲郎君郎君者當時親近之官也宏愛其沈默淳慤信任之人莫能閒居嘗遠貨利友愛二弟周親屬貧及人急由是鄉黨一辭曰姚郎君善人也義人也嘗遇一道士傳秘方療瘡瘍無衰壯可必其愈遂居其藥四方求者不遠千里絡繹踵門雖徒手無不給卒年八十子用中

姚用中貴之子由浙江省掾入爲羣司照磨內宰典簿歷內宰丞恭慎詳密所任克荷居徽幕時權臣帖木迭耳數密招用中策其必敗不往未幾出爲龍興路富州尹富在江西劇郡也先是爲州者往往以墨取用中則絲餽縷謁無所自入民訟隨決不鉗以威惟善導義諭期於安靜非頑弗率泰甚者未嘗麗於辟期年闔境皆化初廟學歲久寢弛葺而新之且刻七十二賢及

從祀諸儒像兩廡七十餘楹工夥役鉅未半載落成瓜將代遺
疾民幽香走望至有祈以身代者既少閒卽移文而歸士民書
帳頌德遮拜車前且留且泣以壺殮祖者百餘里不釋用中亦
悲不自勝及別慰曰父老良苦天若我憐他日或復臨此未可
知矣既歸相地歷城西南十餘里洪山之陽爲兆城云

王瑾章邱人金郡曹宏之子十五爲縣吏尋充府吏補三司掾出
職丙子之亂以勞授章邱縣丞累官至懷遠大將軍任樂安鹽
使時山東歲饑瑾以鹽利贍軍有功後充左右司郎中十有餘
年以老致仕邑人李灝爲撰墓碑

武德其先高苑人幼失怙金季之亂徙章邱從邑民刁氏居焉丙
午攜妻子還訪宗黨之歿於兵者輸賻厚葬之刁氏歿葬祭如

濟南府志

卷四十八

人物四
元

三

禮子文煥

武文煥德之子襟量夷曠昆弟求析產者辭多受寡農人侵其田
畔輒讓之有友貧無以爲葬遂慨然鬻白金瓶以賻子履常

武履常文煥之子筮仕淮西憲幕書史辨明疑獄脫非辜四十二
人六轉而超授奉議大夫中書檢校提舉順德鐵冶再爲將作
院經歷擢知德州咸著能聲年未七十力懇致仕朝議加亞中
大夫山東宣慰副使事

武立禮履常之子當廕讓其季以諸生發身繇瀕省掾爲襄陽路
知事時以好義能讓聞

許珍章邱人弱冠充兵以勲勞勅授盤陽軍節度副使莅政尚寬
簡撫愛士卒深得軍民之心子宣以軍功授清河相公銀符印

信管領軍民總把孫琮

許琮宣之子有勇畧善騎射承襲父職出入行陣閒三十餘年未始有怠自中統改元有青社寇入境作亂琮拒戰有功行臺清河公賜謙二百餘端明年議遣屯戍於沂邾改充百夫長授俸秩二十七貫至元十二年管領本翼軍馬權千戶事次年春上命防衛寶貨船至高郵十字河值劫賊琮戮力奮戰賊畏而遁奏聞授忠顯校尉銀符印信旋授昭信校尉管軍總把千戶事權總管府事

按以上二人據章邱慶元村東許氏墓碑錄之

趙通章邱人少魁岸有膽畧一時豪俠皆歸之金季河朔無主萬民嗷嗷不自保通慨然爲倡鳩衆結寨柵以保護之時濟南王

濟南府志

卷四十八

人物四

三

贊授以都統備東西青齊之衝據山徬險以爲固至戊子歲元帥收復山東率衆歸命授右監軍章邱縣令設方畧平益都師還帥欲引通見元主通曰濟南左右當安集恐去後有反覆帥首肯之遂留通濟南行省依舊監軍後行省南征因年老告致令子進承襲進後南征有功授給劄付銀符印信旋以告病長孫玉承襲克紹前烈至中統壬戌益都李璫作亂盜據濟南元世祖徵燕南諸路軍兵築夾寨以困璫玉疾次孫璧代行都督行省因奏璧有功特贈宣命銀符印信

高聚高唐寨人父顯性剛毅正直官監軍以擊棗陽批抗亡聚承襲父職加軍民鎮撫兼兵馬事在官二十餘年著廉潔名子五人長子全襲父職擊釣魚山歿於陣中統二年次子進襲

高進聚之子賜冠襲父職充百夫長圍李壇守沂州修郟城皆有
力焉後應正陽之役由安慶府渡江到丁家洲屯鎮江攻常州
青沙門皆獲功授樞密院劄付掠杭州渡錢塘江到天台嶺經
福建諸路且戰且進殺敵無算還守淮泗未幾復隨劉招討取
三峯寺討江山寨收黃華賊既定還鎮淮安授散官進義校尉
收鍾明亮事畢於鳳凰山開治河道上海巡鎮而還進披堅執
銳攻城野戰三十年百無一失歿賜祭葬

姚成先世齊河人勤儉務農金末避亂居陽邱南羅莊成善騎射
勇力過人都師馬喜其奇傑妻之成命中子興宣力戎行己則
敦帥子弟以力田爲務會青州李壇叛民無所食成出粟五百
斛賑之兵荒之際田野蕭然又立柵欄種禾耕耘自若會元親

濟南府志

卷四十八

人物四
元

四

王督兵過其地成進酒肴王爲下馬嚴其令禾以不損亂定又
出粟二百斛以濟鄉里春無籽種又分給里人共感戴之子興
姚興成之子代其父執戈行伍閒始戍下邳大帥一見知其可用
因以自隨會宋遣將北伐帥引兵抗之戰於淮安之巴泥蕩興
呼躍奮擊立斃十餘人宋師潰走因追殺其主將帥壯其勇銳
假以弓矢歲己未元兵臨鄂渚興以力戰獲賜白金錦綵異等
及元軍再舉從潭州取江寧皆有殊績屢獲銀盃繒帛之資江
南平遂入爲禁旅授敦武校尉親軍百夫長尋賜銀符忠顯校
尉邑人劉敏中爲撰昭先碑

王成章邱人初從軍屯戍河口有功擢爲百夫長旋攝都鎮撫事
至元初有事江淮成提本軍會諸道兵以畧南土攻五河破青

口下淮安取昭信累著功績江南平復還禁衛授敦武校尉管軍總把

劉海章邱之臨濟莊人罹貞祐之亂釋耒耜事干戈首爲元濟南主相清河公取舉俾充總領升充五軍鎮撫破河南屯睢州攻戰有效子天祐

劉天祐海之子代領父職武技精熟莫出其右修立海州圍困襄陽屯戍沂邳前後凡再渡江無一役不與者五十餘年間遇敵決勝知機陷陣屢被重傷勲績最著始百夫長次千夫長升宣武將軍總管佩金虎符晚年告歸以壽終賜祭葬子德忠德明德輝德用

劉德忠天祐之子幼爲省庭所委監修大都城池又嘗試閱弓矢

濟南府志

卷四十八

人物四

五

中上選旋以勲舊宣授昭信校尉宣武將軍佩金虎符管軍上千戶竭力奉職克績先烈嘗爲兩淮巡鹽萬戶府摘遣禁詰私運捕獲不法者甚衆人以才幹仰之

郝青字正卿新城人父全世居高苑古臺驛鎮之西家巨富不驕不華性樂爲善少有膽力多機變尤精武藝一日奮然曰大丈夫生世不免爲鄉人沒齒而名不稱焉不如無生周遊濱海見知於滄州李相授副統從攻徐州城有樓號萬人敵青被甲先登殺敵甚衆胷中石手中鎗絕而復蘇俄城陷功居最加行軍百戶黃州之戰克敵有功攻滁州又有戰功授豫州安屯宣差乞留萬戶劄付充河閒濱棣兩路千戶巡哨唐州遇敵軍躍馬與戰自朝至晡生擒數人敵軍敗走青亦力盡幾不救賞駿馬

以旌其功授宣差總管江淮等路安撫使已而宣差留乞萬戶擬河間路軍馬鎮撫又授奧魯千戶與管民官一同歸斷軍民相關公事劉元爲之撰傳

張克忠字良甫鄉平人其祖失名號十四公金亂人絕食十四公有黑豆斗許裝袋中以爲枕惡少年欲殺而奪之忽相咤曰渠戚家孫氏族大吾屬其無噍類乎亟舍去以十四公婦孫氏其姪佩銀符爲提控官故也生順方六歲村中被兵順走舍後蓬蒿中以兔有子五人長卽克忠元初得山東軍府草創兵火之後人艱於食順勤治生延師教子村中子弟賴之以學天寒爲雪中荷薪縣新先聖廟順在役董役者勉之順曰吾亦望子孫爲儒者敢不盡力旣長游學歷城郡守以律學久廢選高才二

濟南府志

卷四十八

人物四

美

十人習之克忠以敏居二十人中統初李壇入歷城郡守走德州請兵於朝王師至克忠從郡守周旋軍旅閒時以郟城接宋漣水軍設郟沂萬戶府以克忠爲掾疆場之役兩軍不時遇克忠常進謀故鄉軍常勝而克忠亦屢以謀得異賞至元初元兵自五河口渡淮宋設伏於隘克忠進計殲之兵歸宋聯巨艦截淮元將以舟小不敢犯憂甚克忠曰正陽淮淺無用舟可徑涉也從之果得渡至元九年元兵復渡淮軍中少馬欲調濟南般陽益都河閒馬以益之克忠單騎與圍人數十以計潛行敵壘翕馬皆至無損失者至元十五年升郟沂萬戶府知事大德元年累升徐郟沂山場屯田打捕提舉九年卒於官泰定三年

贈濱州知州驍騎尉追封郟平縣子

張臨克忠長子臨字慎與苦志勤學淹貫經史嘗讀書長白山中因號長白先生三徵不起教授生徒不遠千里而來延祐二年秋典山東試首得張起巖鄒維學皆名士

鄒平縣志按楊維禎云張公臨至元閒由邱園官祭酒門人顯者爲狀元張夢臣中丞張樸大參張誠李憲等數十人明初作徵仕坊旌之成化中縣尹于其讀書處建祠祀之

按張忠定公長白先生祠堂記縣北地名河溝有先生自爲其父阡表殘蝕不可盡辨程舊志刪此三語人遂無以知河溝之有墓及長白之有表二千餘言不可辨者止二十字也楊鐵厓謂長白於至元時官祭酒然墓碑云國子司業阡表亦云貳上庠教是先生終於司業未嘗再官祭酒矣考元史

濟南府志

卷四十九

人物四

七

武宗至大四年三月仁宗卽位仍號至大秋七月以廷臣欲徵薦儒士成材者擢任國學有詔勿限資格果材而賢雖白身亦授職先生之官司業定在此時鐵厓集或謾書至大爲至元也先生聚徒淮上教授里中門人自多顯者舊志謂延祐二年秋七月先生典山東鄉試首得張起巖不知起巖之爲門人非必因科名若科名則起巖之得狀元是春三月非秋七月是廷試非鄉試矣

王宣字仲宣長山人由世襲百戶從元世祖渡江圍鄂渚及黃州宋丞相賈似道具表稱臣乃還後似道背盟再攻京口八公山所至有功中統三年青州盜起宣率師討平之至元六年從統軍于吾河口渡淮巡哨比還宋兵橫截半渡以擊元師宣喋血

力戰宋兵乃退十二年攻揚州下通秦擒姜都統屢以捷聞世祖嘉其功拜管軍都把總封忠顯校尉子孫多以科名顯楊宏道字淑能淄川人金末補父蔭不就與元遺山劉京叔楊煥皆以詩名大爲趙閑閑諸公所稱避亂走襄漢宋辟爲唐州司戶兼文學復棄去嘗一見益都李壇議不合爲用事者所嫉浮沈簡里以詩文自娛著小亨集事言補書行於世延祐三年贈文節

明陸樹聲長水日抄曰淄川楊宏道著六忍一曰忍觸觸者人犯我也二曰忍辱辱者人凌我也三曰忍惡惡者人憎我也四曰忍怒怒則憎之重也五曰忍忽忽則憎而發之輕也六曰忍欲欲者貪而不知止也此六忍者戒之一身則一身

濟南府志

卷四十八

人物四元

五

安戒之一家則一家安推之以處人己之閒則所遇皆安而尤悔寡矣

按延祐三年始贈文節則宜爲元人縣志以爲宋人非也據長水日抄謂之淄川人確不可易然其始實鄒平人故王西溪中丞爲鄒平劉震作墓碑云楊先生宏道山東名德也贈以銘云昔吾與子同居一鄉又云會遷青社予往子留則遷淄川爲後來所居而鄒平乃其故鄉爾

焦政長山人焦氏始家般陽之長山金末山東亂般陽爲兵衝焦氏去其里元初循定招集焦進復歸萊啟宇再立厥家進生政資孝友而毅直有氣事不以難易爲趨舍未嘗以非義干人亦無干之者里中少年放縱往往蔽匿不使知晚喜讀書擇

師教子士論翕然年七十二以壽終生子忠

焦忠政之子幼知向學旣長思得祿具甘旨以娛親心俛首試吏積勞至將仕佐郎管勾淮之金沙鹽場以卒年六十五廉不自鬻故所至不觸於官箴而能得其僚友之懽臨卒遺言其子曰善惡甚細大顧其所積何如耳又曰吾以清白爲吏幸得啟手足以從先人於地下汝能毋乾沒以汚我我死如甘寢矣生子二人其仲曰榮祖

焦榮祖忠之子以度支知事辟中書掾擢至四川郎中召入爲吏部郎中累遷治書御史歷仕多著名蹟爲御史按事平江其事尤難其利尤溥初至元三年歲大水時相疑天下之以水告者不皆如其疏會嘉定知州管詮祖告其府尹詐以水除其四州

濟南府志

卷四十九

人物四

无

二縣之租及所受民錢十五萬緡相入奏遣使與御史一人馳行卽治榮祖以御史往或危其行至則逮其當與獄會者若干人偕詮祖廷對詮祖語屈吐實曰我初不知爲此阿魯灰教我

也阿魯灰者嘗爲翰林侍讀學士以罪去居平江府尹有所忤故諱詮祖云用事者以爲地其獄久不決會赦免猶勅之徒遠郡乃已田租之論除如律者八萬石有奇尹及三州二縣官吏數千里之民莫不手額以祝爭稱頌之至正八年爲侍御史行臺陝西明年入參議中書省事贈其祖政嘉議大夫追封中山郡侯父忠中奉大夫中山郡公生子鵬辟集賢掾藉藉有聲譽翰林學士歸暘爲之碑銘

按碑在長山縣焦家橋歸暘之詞也歸爲元代名臣史有傳

劉震字晉臣先世官青州至洪徙濟南鄒平生清清生季子信以
邃吏學終益都總管府掾性孝友三兄遠游不歸母憂思喪明
乃日汲井冽浸舌舐之月餘瞭然人謂孝所感嘗戒震曰吾不
擇術以城巨書發身不願汝爲之震受教遂業備旣冠有聲鄉
校貢春官山東饑亂攜二弟匿巖穴中卽杖策款軍壘謁帥兵
者帥說留麾下事皆咨訪然後行一日齊河令良驥過帥帥愛
其乘旣去欲遣人追殺奪之震曰所須者馬以物易之彼必不
靳何至殺人震卽召令與直馬歸帥管定有過帥欲殺之震曰
行臺密邇如責專殺其將何辭卽陰令率鄉鄰善帥者百餘人
往謝罪事遂釋壬辰授行臺令濟南公檄爲鄒平詳議兼提領
改監軍需庫又監本府稅卒年五十七壬中丞爲作墓志楊宏

濟南府志

卷四十八

人物四
元

辛

道贈以銘

劉璧字君用震之子震詞賦進士璧承父師之訓能以儒學飾吏
術選爲京畿都漕司知事尋升經歷時柄臣擅作威福法盡廢
璧乃盡革宿弊倉廩告實時議多璧廉敏進利用監丞秩滿調
深州靜安縣尹適盧世榮以言利竊政使郡縣官同於商販百
色取贏算至蔬果蠲蝦官吏急於奉承人人惶惑璧曰親諭眾
孜孜爲區處視民力強弱令相助藉民感其懇款聽命迄於盧
敗一切休之以靜民安其政靜安深州之附郭邑也監州每治
事目僚屬朝暮將迎於第璧獨不然曰縣尹吾職非役於監州
者也吾之於縣若五事不治或貪殘獲戾固所甘心二者皆無
將若之何終不爲屈遷承務郎建德路推官專訊鞫兩造在庭

平心淑問未嘗疾聲遽色人爲吐實察其情有可宥多從未減
讞獄至屬縣囚聞之曰劉公來吾屬其無冤矣當赴調日有勾
致者謂行賂可得善地不然將遠移璧曰余從官有年矣自顧
無媿今行賂何媿如之已而果除建德去京數千里或請以疾
辭璧曰吾無疾將誰欺趣治裝行到官益勤已而卒年五十九
翰林學士楊文郁爲撰墓志子事義

劉事義字伯宜璧之子鯁亮有風概幼敏於學能詩其所題詠人
多膾炙之由禮部掾辟詹事院掾又辟丞相掾時當國者遇下
如束溼諸掾屬動罹刑辱事義以慎敏無所及自謂久此非福
遂求副大都酒課提舉或以貨嫌止事義事義曰幸完身出能
自潔職貨庸何傷未幾授承務郎禹城縣尹條舉利疚相時興

濟南府志

卷四十八

人物四
元

三

除有訟庭決吏戟手無所弄民深德之及瓜代耆老爲刑其政
於碑部使者上其實授遼陽行中書省左右司都事尋選吏部
工部主事所至以治稱拜監察御史轉中書右司都事授秘書
少監執政以秘書散局非所宜奏兵部郎中省臣以大都宣課
提舉司所入多不實命監摧果增倍蕙賞白金五十兩異幣各
二端臺臣廉之奏授浙西廉訪副使浙西民物甚殷有行省諸
司素號難治事義一切務盡公他無所顧旣而改兩浙鹽運使
入羨出均課無所紕期年以疾去會以陝西有亂徵臺奏爲治
書侍御史亂弭改湖南廉訪使至治三年拜江南行臺治書侍
御史泰定帝踐阼拜陝西行臺侍御史明年拜參知政事卒年

段徽字君美先世景州阜城人遠祖避後周顯德年河溢之患舉族遷於章邱縣喻山之西因家焉傳至欽欽生揖爲濟南錄事功曹揖生徽徽少孤卓然有自立之志幼嫻書數精通吏事廉潔謹愿鄉人皆愛之甫冠推以爲歷城縣掾史金亂濟南陷逃難南山獲免繼而侯公守東平盜賊充斥徽閱良民被害乃以方畧致渠魁效順民得少安遷忠勇校尉充章邱主簿調濮陽縣丞屬元朝開創河北濟南行臺清河公辟之以功授廣威將軍從行臺得大小州城十有餘處居民數十萬口皆徽贊畫之力庚寅年行臺北覲有訟於上前勸以結好息民訟乃寢行臺南伐召之往路有軍士逃歸皆撫諭使還行臺公曰軍人多竄歸奈何徽曰人情孰不欲安緣連年行師加之虜饑盡出物賞

濟南府志

卷四十八

人物四元

三

資之行臺悉出隨軍絹賜予軍士乃安壬辰河南平丙申移治濟南徽以爲甫定之後人心稔惡未悛於是一新號令使民知所畏復修城池官署倉廩府庫而乃幹桑麻魚鹽之利以厚民財積餽糧之用以備虞計均戶而科稅賦驗丁以給徭役故行臺公三世前後三十年治濟南一境每上計偕考課皆爲第一徽以年老告退卒於家年七十二張泰亨爲撰碑記

按碑多闕文摭其大畧書之所云行臺公不具姓名碑言徽次女適行臺次子張邦直知行臺公乃濟南王張榮也段墓在何二莊西北里許

劉鼎字漢寶章邱人美鬚髯有器度臨機制變才智捷出時人方之管樂云金季喪亂歷城南山中羣盜爲民患郡邑不能治鼎

獨從一二人直登其柵喻以禍福賊懼請降以功授忠顯校尉
歷城令境內有大澤號遙牆泊豪李會據其地爲姦徵令不行
鼎一日往泊中執之以歸杖殺之翼輔濟南張侯奐輯一方歸
國侯行省山東授鼎廣威將軍益都總判兼安慰濟南淄德軍
民勸農事行左右司郎中時庶務草創翁張施置一以倚之泛
應曲當動爲成式益都李泉聽讒命將分三路舉兵攻濟南侯
大怒促鼎悉師拒之鼎方久疾曰彼眾我寡若何扶德入見侯
曰無怒老夫爲侯却之立遣使致書李泉及其三帥修好如故
子景石

劉景石鼎之子以甲科第士人入儒籍後稍從仕以廉直自立淄
萊二州新城驛臺長山三縣咸統於淄吏治久曠行省檄景石

濟南府志

卷四十八

人物四
元

三

監治期月之間政化大行旋歷濟南總府山東轉運經歷後以
剛潔不能低昂以疾免歸子二人長卽敏中

劉敏中字端甫景石之子幼卓異不凡年十三語其父景石曰昔

賢足於學而不求知豐於功而不自衒此後人所弗逮也父奇
之鄉先生杜仁傑愛其文亟稱之敏中嘗與同儕各言其志曰
自幼至老相見而無愧色乃吾志也至元十一年由中書掾擢

兵部主事拜監察御史權臣桑哥秉政敏中劾其奸邪不報遂
辭職歸其鄉旣而起爲御史臺都事時同官王約以言去敏中
杜門稱疾臺臣請視事敏中曰使約無罪而被劾吾固不當出
誠有罪耶則我旣爲同僚又爲交友不能諫止亦不無過也出
爲燕南肅政廉訪副使入爲國子司業遷翰林直學士兼國子

祭酒大德七年詔遣宣撫使巡行諸道敏中出使遼東山北諸郡守令恃貴倖暴橫者一繩以法錦州雨水爲災輒發廩賑之除東平路總管擢陝西行臺治書侍御史九年召爲集賢學士商議中書省事上疏陳十事曰整朝綱省庶政進善良剔姦蠹顯公道杜私門廣恩澤實鈔法嚴武備舉封贈武宗卽位召敏中至上京庶政多所更定投集賢學士皇太子贊善仍商議中書省事賜金幣有加頃之拜河南行省參知政事俄改治書侍御史出爲淮西肅政廉訪使轉山東宣慰使遂召爲翰林學士承旨詔公卿集議弭災之道敏中疏列七事帝嘉納焉以疾還鄉里敏中平生身不懷幣口不論錢義不苟進進必有所匡救援據今古雍容不迫每以時事爲憂或鬱而弗伸則戚形於色

濟南府志

卷四十八

人物四

五

中夜歎息至淚溼枕席爲文辭理備辭明有中菴集二十五卷延祐五年卒年七十六贈光祿大夫柱國追封齊國公諡文簡劉復亨齊河人通子翼爲行軍千戶李瓊特遣使招復亨復亨立斬之時討賊兵雲集濟南乏食復亨盡出其私蓄以濟軍世祖嘉之賜白金五千兩復亨固辭至元十年遷征東左副都元帥統軍四萬戰船九百征日本與倭兵十萬遇大戰敗之以功累陞鎮國上將軍淮西道宣慰使都元帥

賀延壽濟陽人誠懇敦敏讀書通大義而於禮節獨謹故季弟之行稱於宗黨信義之實洽於友朋凡以智數機術侈靡相夸詡者延壽視之蔑如也晚歲其子仕益達猶日諄諄焉以廉謹忠勛之如未仕時年八十三歲卒子祥次子復

賈祥延壽之子穎悟好學尤工書補縣諸軍奧魯吏卒

賈復延壽次子沈毅有異才其學以儒吏並濟由濟南總管府掾累至中書左曹除承務郎禮部主事升奉訓大夫京畿都漕運判官秩滿轉徽院加奉政大夫朝列大夫官正司丞子元以從仕郎遷益都主簿

按趙孟頫書賀公碑在濟陽治西北六里銘云賀本姜姓慶文之裔延祐庚辰賀復立石又別有秦復官鎮撫亦濟陽人見高詡所撰秦公先德碑殘缺不詳其子進事亦不可攷

賈友鄰平人父福福有二子長曰珍次曰友友爲人淵淳愼靜其友人婦老而寡以金見託探親他郡逾十年歸仍以付之封識宛然常遇人遺金道上獨追及與之又嘗以生組送染人比取

濟南府志

卷四十九

人物四

壹

歸組多以十數亟持還染人易已組焉子馴

賈馴字致道鄒平提刑吏也世祖時有巨奸專政山東提刑副使李唐卿正人也爲正使所誣巨奸奏請欲致李與數十人於法馴時爲小吏以連證逮獨以實對獄巨奸啗以利不易誘以官不易脅以死亦不易繫凡三歲執如前李竟得免時論翕然以古人方之累官至戶部主事能剖繁析劇遷兵部員外郎時附京諸驛煩弊馴爲設法使得輕重均一歲秩當更驛夫數百人遮宰相號曰賈員外若去吾屬困苦死矣會成宗獵城南宰相以馴見卽日授郎中逾年改工部加奉政大夫益精勤自勵凡百工五材之用審曲面執之宜皆心規目度靡不曲當吏弊無所滋初太祖得燕城置孔子廟於城中世祖至元四年遷城於

東北因名新城曰大都金故城曰中都命於中都立先聖廟事久未集成宗大德三年馴入理曹務出營廟事十年廟成締構宏麗朝野瞻仰莫不嗟歎謂賈君有大功於斯支廟既成御史臺臣請樹國學至大元年修學又成國子學臣吳澄爲之贊馴以朝請大夫進授侍郎武宗初拜工部尚書加少中大夫

按明國子監卽元時舊學也自元至今五百餘年增葺不一而荆始賈尚書之力與田少傅荆刻九經之功並垂無窮矣劉興祖鄒平人其先世淮西廬州壬辰年元兵南下曾祖深驅歸鄒平置西南郭半里許家焉世業陶深生聚聚親魁梧以誠待人亦不忍欺所陶必堅緻人酬以值多寡勿較也聚生二子曰慶曰昌昌生二子其仲卽興祖少孤十四歲乃養於姑肖氏

濟南府志

卷四十八

人物四

美

之家十六歲斃斃才立掇拾祖父伯叔遺骸權厝一所語人曰余之不天一門殞斃倘使逝者魂魄託歸無所豈不大可痛乎遂賃身爲酒家傭服役艱瘁身無完裘十有餘年置膏地一畝詢諸儒者以昭穆序列葬會祖而下義而助者八十餘人或勸問諸陰陽家曰吾完吾志已耳安問吉凶設虛壙一所曰天果禍余就死其中掬土加墳歸然爲一邱國子助教李吉爲撰季子傳中書省掾王煥爲撰宗支記

按劉季子墓在鄒平縣西南郭外沙河之南岸東西二碑一刻李吉傳書丹者萬迪至正二十五年立一刻王煥記書丹者譚憲至正二十六年立通志以爲歷城人誤也

楊珪濟陽人金宏農郡開國伯濟陽楊君烈之長子也業其家學

爲文筆不停綴敏捷立成有聲場屋開數舉進士不第試部令
史中選不仕還鄉里以易爲專門之學扁所居之齋曰學易卒
年六十三其弟曰珍

楊珍珪之弟剛直不撓越於流俗鄉人皆敬憚之珍子文郁

楊文郁珍之子天姿穎悟弱不好弄舉止異常兒始齠讀書殆若
夙習祖素所鍾愛嘗會集賓友漫取漢書命讀之句讀分明音
吐洪暢一座傾歎授以科舉之業賦義皆中律度旣而聚書探
求聖賢意蘊時遭喪亂典籍散逸每從人借觀輒手自鈔錄琴
書之外無他嗜好年及強仕提刑按察使陳節齋聞其名貢諸
朝除闕里教授至元十五年授翰林應奉文字時江南旣平詔
會諸王於京師賞賚禮成亦預銀器杯枕之賜焉累官國子祭

濟南府志

卷四十八

人物四

三

酒元貞二年移疾歸大德元年制使特徵至京拜翰林侍講學
士知制誥同修國史二年侍臣有以翰林集賢諸學士貧之不
能自存爲言者上曰胡不早言出內府寶鈔分賜文郁得七千
五百緡上命草詔諭高麗旣就稿伯顏先聞於太后太后大悅
使之坐慰勞良久命飲以湯粥進至上前奏讀詞意稱旨上顧
近臣曰此適朕心所欲言文士能達朕意後升翰林學士中順
大夫進大中大夫文郁曰一介書生官至三品年瀕七十當服
止足之義未幾卒年七十九凡朝省有所集議嘗曰與其自用
已見曷若兼人所長况事皆已出未必盡善也戒飭諸子曰余
無他長唯一誠而已爲文不崇華藻有林下集子三八長去疾

次僖次倬

楊儷字叔嚴文郁之子延祐六年以名家子尹長山縣學仕兼優剛柔並濟嘗有萬夫長恃貴漁民請於朝而杖之尋擢西臺監察御史泰定閒官已四易而民猶追思立碑

李成濟陽迴河鎮人少失父與妻吳氏事母極孝養母卒既葬以家事付吳結廬墓側三年未嘗至家服除簣土築臺於墓前衛以周垣然後歸立家廟以奉神主晨昏薦祭出入必面遇時祭棗盛殺楮必豐潔以終其身歲浸出米三百石以濟鄉里設粥道旁食行路之飢者所識有貧乏分粟幣假貸無吝色不能償者以券歸之子聚

李聚成之子年未冠以戶役從軍戍江南多著勞績命攝百夫長元貞二年卒於軍子惟恭

濟南府志

卷四十八

人物四

美

李惟恭聚之子二歲失母郗氏十六歲失父自幼及長皆祖訓之由中書東曹掾擢戶部司計鈎攷程督會括稽度巨細必舉條例不紊時稱能舉其職遷濮州鄆城尹勸農興學校鑿吏弊政平訟理五年治爲山東郡邑最超奉政大夫蔚州知州張起巖爲撰碑記

張林章邱人世居錦川里善殖生貧乏者賑業無所靳里有訟兩造求直往往面斥無隱退皆悅服事母孝少不怡卽稽首謝不輟冀霽其顏嘗負母適泰山母恐其疲爲減食林蹴然曰本欲其安今反病之奈何遂躬輦以行恐其頓撼復蒲其輪里中目爲孝子所居近溝澮夏秋淫雨購石梁其上行人德之母卒葬其里八盤莊之先坐生四子其三曰寬

張寬林之三子性純篤與人交肫肫無勝心歲時爲食於途以待
餓者生四子長如砥

張如砥字周道邃於國言早掾湖廣省秩滿調固安州判官左長
克盡厥職移舞陽始獲專印剔蠹煦枯翼厥良善於所當爲勇
前無所避故所至廢政胥舉謀最諸縣御史中丞陳天祥薦之
云自上任無秋毫私旣去民爲立石頌愛授承務郎延祐初爲
上海縣尹潔己愛民丙辰秋大水壞禾稼行省詰縣徵賦如常
如砥力爭得減

按歷城縣志引上海志以爲歷城人與張文忠所云同宗同
里聞其語符合蓋其父以上爲章邱人至如砥始遷歷城歟
張起巖字夢臣其先章邱人五季避地禹城高祖迪以元帥右監

濟南府志

卷四十八

人物四
元

五

軍權濟南府事徙家濟南當金之季張榮據有章邱鄒平諸縣
地歸於元太祖迪與子福先後翼之始終能效忠節福仕爲濟
南路軍民鎮撫兵鈐轄權府事生東昌錄事判官鐸鐸生四川
行軍儒學副提舉範範生起巖初其母邱氏有娠見長蛇數丈
入榻下已忽不見乃驚而誕起巖幼從父學年弱冠以察舉爲
福山教諭值縣官捕蝗移攝縣事聽斷明允其民相率曰若得
張教諭爲眞縣尹吾屬何患焉政成遷章邱登延祐二年進士
第一除同知登州事時旨收集賢修撰轉國子博士陞國子監
丞進翰林待制兼國史院編修官丁內艱服除遷爲監察御史
中書參政楊廷玉以墨敗臺臣奉旨就廟堂逮之下吏丞相倒
刺沙疾其摧辱同列悉誣臺臣罔上欲置之重辟起巖以新除

留臺抗章論曰臺臣按劾百官論列朝政職使然也今以奉職
獲戾風紀解體正直結舌忠良寒心殊非盛世事且世皇建臺
闕廣言路維持治體陛下卽位詔旨動法祖宗今臺臣坐譴公
論杜塞何謂法祖宗邪章三上不報起巖廷爭愈急帝感悟事
乃得釋猶皆坐罷免還鄉里遷中書右司員外郎進左司郎中
兼經筵官拜太子右贊善丁外艱服除改燕王府司馬拜禮部
尚書文宗親郊起巖充大禮使導帝陟降步武有節帝甚嘉之
賜賚優渥轉參議中書省事寧宗崩燕南妄男子上變言部使
者謀不軌按問皆虛法司謂唐律告叛者不反坐起巖奮謂同
列曰方今嗣君未立人情危疑宜亟誅此人以杜姦謀趣有司
具獄都人肅然大事尋定中書方列坐銓選起巖薦一士可用

濟南府志

卷四十八

人物四
元

單

丞相不悅起巖卽攝衣而起丞相以爲忤已遷翰林侍讀學士
知制誥兼修國史修三朝實錄加同知經筵事御史臺奏除漕
西廉訪使不允已而擢陝西行臺侍御史將行復留爲侍講學
士拜江南行臺侍御史召入中臺爲侍御史轉燕南廉訪使搏
擊豪強不少貸貧民賴以吐氣滹沱河水爲眞定害起巖論封
河神爲侯爵而移文責之復修其隄防淪其湮鬱患遂息陞江
南行臺御史中丞拜翰林學士承旨知制誥兼修國史知經筵
事右丞相別怯里不花爲臺臣所糾去位未幾再入相諷詞臣
言臺章之非起巖執不可俄拜御史中丞論事剴直無所顧忌
與上官多不合詔修遼金宋三史復命入翰林爲承旨充總裁
官積階至榮祿大夫起巖熟於金源典故宋儒道學原委尤多

究心史官有露才自是者每立言未當起巖據理窟定深厚醇雅理致自足史成年始六十有五遂上疏乞骸骨歸後四年卒謚文穆起巖面如紫瓊美髯方頤眉目清揚望者欽其雅量臨政決議意所背鄉屹若泰山不可回奪或時面折人面頸發赤不少怨廟堂憚之識者謂其外和中剛不受人籠絡如歐陽修名聞四裔安南修貢其陪臣致其世子之辭必候起巖起居性季友少處窮約下帷教授躬致米百里外以養父母撫弟如石教之官學無不備至舉親族勿克葬者二十餘喪且買田以給其祭凡獲俸賜必與故人賓客共之卒之日廩無餘粟家無餘財起巖博學有文善篆隸有華峯漫藁華峯類藁金陵集各若干卷子二人琳瑯

濟南府志

卷四十八

人物四

聖

趙文昌字明叔號西臯濟南人由諸生歷事臺省至元癸丑出爲長清縣尹歷官監察御史同知福建道宣慰司事文章政事當時推爲一代宗師其尹長清也於簿書期會奔趨督責之餘務以德義牖民期月政夷訟簡乃敞廟學爲數畝宮名樂育堂治學舍聚經史立教條率儒生屬吏日講授其中雖造次多故未嘗少輟由是人才輩出弦誦之風爲他邑最迄數十年不衰

彭淑字仲儀濟南歷城人年少而識高慈惠而廉平爲江西寧都州判官延祐二年六月贛盜都州寇作淑以運糧留總督府同知從趙州長出禦寇七月趙與寇遇死焉州無軍官設捕盜之卒不滿百虫白之府出私錢市弓箭繕修壁壘越四日寇逼城下關外民居悉燬淑懸賞設弓機礮躬設矢石率民兵出城與

之角殺寇五六十收衆而入會總管府至萬戶府官亦領軍至
決寇圍入州城慰安人心州之長貳分城四面而守七日寇退
官軍與賊戰於延福里淑先衝陣發六矢俱殪獲馬二匹寇設
伏官軍失利而潰寇復圍城淑竭力守禦糾集鄉民兵七千人
八月暨巡檢官率民屯州城七里外寇萬餘人來戰淑不避鋒
銳而前羣衆齊力薄寇殺死甚衆令卒登高麾旗招城中兵出
內外夾攻寇奔散渡溪水漲不可渡溺死過半州城再受圍凡
十有二日乃解越四日行省咸集總六郡兵擣寇巢穴淑爲鄉
導首攻拔一砦官軍繼進殲其醜類渠魁就擒始班師州人以
宣於是州之士民願勒石紀功吳澄爲作平寇記

富德庸濟南人至元二十五年宰慈谿抑豪強清狴狂民樂畊桑

濟南府志

卷四十八

人物四

望

士興季弟慈湖書院山長曹漢炎作碑頌之

張傑字漢臣世家濟南爲於潛縣令至元乙未賊起安吉東抵縣
境傑以義結民爲伍乘法修門墮理器械立旗色凡若千伍
傑申令今日與民共死生若輩偷生令以伍乘法殺若輩吾偷
生若輩亦以伍乘法殺令卽夜統衆二千人跡賊所往殺其魁
及從十人賊望風奔潰明年賊又自徽突抵昌化昌化去縣治
僅三十里居民皆荷擔謀徙傑饋牛酒呼民復以伍乘法矢如
初賊素聞傑名皆遁去縣訖安堵如故仍調鄉夫守禦四門晝
理縣事夜巡縣境以爲常夏四月淫雨二麥未稔而腐傑疏請
岳祠痛自責者三而天大霽

趙野字子開濟南人大德初爲沛縣尹勸學興農政平訟理

高之字國瑞濟南人大德五年知新州清操挺然愛民禮士惠鰥寡修學校嘗於驛路栽松竹以便行者

武秀濟南人仁宗時以清譽擢蒙陰令經制有方規畫有法興學校勸農桑在蒙數年民愛戴如父母遷山東東路都轉運使史乘紀蒙令之賢者必以秀爲首云

高仁字壽之濟南人延祐初知吳江州時行省賑杭饑命吳江增糶三萬石仁抗言州小數已盜不可增鹽運使虧課省委取諸民補之仁言民貧不可妄動動且有外虞事並寢

李綱字文晦濟南人泰定中以汝孟府判守濟州有善政先是下令境內曰民毋犯法吏毋無法百爾執事毋曠厥職業乃條忝弟忠信禮義廉恥之事爲勸民直言令民誦之俾知所向背尤

濟南府志

卷四十八

人物四

聖

嚴於捕盜曰欲民安先去民之不安者盜有爲他縣獲者訊之云濟守捕急因竄此廣學舍四十楹暇則躬課諸生旌勤懲惰彌久無倦色歲蝗捐俸市牲酒禱之蝗不爲災歲旱禱於天引咎自責天爲雨遂大稔河決都水監發山東民塞焉死者枕籍道路濟民裹糧將行綱控廉訪司獨留之民懽呼載道他如奏免飼馬治刁陽湖爲田闢祭田供祭費公私便之當時麥有一莖四五穗者僉謂綱誠愛所致郡人白守信作瑞麥圖頌焉監察御史李嗣宗等舉之於朝曰愛民如子馭吏若神尋陞福建閩海道廉訪副使後卒於任城館舍濟人於其在官也戴之若父母於其去也老幼奔走遮留之於其卒也遠近悲慟相與登太白樓招之以衣元編修觀音奴爲撰遺愛碑

韓鏞字伯高濟南人延祐五年中進士第授將仕郎翰林國史院編修官尋遷集賢都事泰定四年轉國子博士俄拜監察御史帝欲以中書參議傅巖起爲吏部尚書鏞上言吏部掌天下銓衡巖起從吏入官烏足盡知天下賢才況尚書秩三品巖起累官四品耳於法亦不得陞制可其奏天歷元年除浙西廉訪司事擊姦暴黜貪墨而特舉烏程縣尹于文傳治行爲諸縣最所至郡縣爲之肅然二年轉江浙財賦副總管至順元年除國子司業尋遷南行臺治書侍御史順帝初歷僉宣徽及樞密院事至正二年除翰林侍講學士旣而拜侍御史以剛介爲時所忌言事者誣勸其賊私乃罷去五年臺臣辨其誣遂復起參議中書省事七年朝廷慎選守令參知政事魏中立言於帝當今

濟南府志

卷四十八

人物四

四

必欲得賢守令無加鏞者帝乃特署鏞姓名授饒州路總管饒之爲俗尚鬼有覺山廟者自昔爲妖以禍福人爲盜賊者事之尤至將爲盜必卜之鏞至卽撤其祠宇沈士偶人於江凡境內淫祠有不合祀典者皆毀之人初大駭已而皆嘆服鏞知民可教俾俊秀入學宮求宿儒爲五經師旦望必幅巾深衣以謁先聖月必考訂課試以示勸勵每治政之暇延見師生講討經義由是人人力學而饒之以科第進者視他郡爲多鏞居官解自奉澹泊僚屬化之朝使至者延見郡舍中供以糲飯退無後言其後有旨以織幣脆薄遣使笞行省臣及諸郡長吏獨鏞無與鏞治政雖細事詳密多類此十年拜中書參知政事十一年丞相脫脫在位朝廷悉議更張鏞言不見聽人或以鏞優於治郡

而執政非其所長遂出爲甘肅行省參知政事及脫脫罷用事者悉誅鏞獨免乃遷西行臺中丞歿於官

崔榮字壽甫章邱人性慷慨敏達好周人急貧不能償者悉毀其券延祐七年大水壞民田廬慨然出粟六百四十斛賑之有司薦名於朝表其門閭

袁度字士常齊之歷下人也父惟忠字漢卿有學植嘗監酒濟陽後遂不仕度少失怙家貧資束修養母名隸兵籍每當遣質錢傭人以行苟弗給卽自往夙有羸疾恐生母憂時強爲豐饌以示壯主兵者聞而季之俾顯教授營中戍留五年或挽以見受人託疾辭部使者上其賢授河中教授距濟南二千里自計母不能往辭不赴戍歸鄉里母後卒哀毀幾不救先是妻孫卒再

濟南府志

卷四十八

人物四

聖

室宋又卒母以度年及艾未有後欲以養而嘗生子者繼之度蹠曰前輩謂娶失節者猶已失節奈何遂止他日又謂有賢女眇對曰古人娶以德不以色昔葛亮氏聘阿承之女度雖無似亦蹤跡古人娶之何傷女張氏旣歸賢淑初後其弟之子曰虎頭後有子曰童張所出也度從師李舟軒學師歿舉其行實請諡又倡鄉士祠像事於閔子廟側建祠餘錢市田八畝命其孫李山衣食之平昔嗜性理學自號約齋務踐履夏去世儒記問詞章之習時貢舉方興察諸生有意業文者輒招從他師曰豈以我故誤人子邪尤長於講解容端聲亮微隱必析聽之使人肅穆若與聖賢接論其友張養浩稱於當路者一日集學宮講講以目疾辭他日講又辭問之曰世俗供僧猶遜以上座况傳

聖賢之道乃欲使我北面於彼乎其守正不撓如此遂不起後
葬歷城西藥山先塋

潘宗佑字仲德濟南陽邱人父彬承務郎衛輝路總管府經歷宗
佑年十二父卒居喪如成人既長刻志問學期以所業表見於
世家貧氣恒振厲不苟取至周急則若素饒者性孤鯁鄉里寡
交游吏有弗堪者鈞羅細故召辱衆中宗佑庭立自明無少屈
識者偉之未幾挈所著見聞紀義十卷來京師超授翰林國史
院檢閱秩滿進編修官嘗欲言天下事數爲所厚挽止著還金
鑑畧各十卷至大辛亥年詔選成均官屬授從仕郎國子博士
與同官不相中竟以狷介致疾皇慶元年卒年四十一初寢疾
張養浩借元明善省問之宗佑語二人曰宜正而塞毋不正而

濟南府志

卷四十八

人物四

異

達若勛二人且永訣云

許克修字仲德世爲濟南之延安里人父全和厚敏生殖贖典獄
有陰功生克修精律學試吏總府綽有幹稱由雲南行省掾調
廉州合浦縣尹再調象州路總管府經歷二所皆炎荒遐徼民
鳥獸殊難靖克修不以中外遐邇異心循職當爲直前無所顧
未再歲學興於鄉農力於野盜不闖境而積年遺民襁屬來復
徭俗爲之不變憲司宣闡爭上其能故再尹靜江古縣政闡益
著先是廣西兩江宣慰司幕官累以墨敗其潔者往往不職使
者病焉聞克修前績遂辟爲都事贊上勅下裁剽裕如所部賴
以救宥憲府有訟輒移檄使決平心以理罪者自以爲不寃在
幕職三年卽以陽朔縣尹致政長子可道授承直郎湖州路推

官次子可權監稅湖廣

按延安里今延安鎮音屬章邱今屬齊東兩縣人物志均宜載之

楊允先世直隸棗強人徙泰安又徙章邱世居東頓邱莊爲族甚蕃和孺其居者數世人稱爲義門楊氏允祖父父良皆不仕允情藻潔作事無巨麼必底規矩早學吏視符刺檄牘如夙習者初爲浙江行省掾秩滿爲慈谿令不忍以法繩民治尚寬恕人以佛目之歲大祲孳死載路數州皆然允白帥府馳聞行省獲發倉賑慮未周又鑄豪室施錢如千患乃稍弭邑中失火延廟學允以身先宥將赴烈焰會火自滅人謂至忱所感也再調台州路總管府經歷時朝廷遣使采訪諸道所至按黜無留員惟

濟南府志

卷四十八

人物四

七

允無毫髮及旣代授平江路推官吳俗輕生多詭故聽訟爲難允一切以誠心求之常得其情僞竟任未聞有一寃者一日自以年及慨然返初服制授朝列大夫鎮江路同知致仕子廷顯紹興路諸暨州儒學正

王從禮字公義齊河人樂善好施嘗以己貲建廟學一所仍捨田三百餘畝以供春秋祭祀師生廩膳之用凡朔望必集鄉耆儒士拜廟講書未嘗少懈至正間歲歉以賞授敦武校尉富國場鹽司學士張起巖有記

嘗汝道德州齊河人父興卒居喪以孝聞母高氏治家嚴汝道承順甚恭母疾晝夜不去側一日母屏人授以金珠汝道泣拜辭之母卒哀毀終喪不御酒肉性尤友愛二弟將析居悉美田廬

讓之鄉人劉顯等貧無以爲生割己田畀之里中大疫有食瓜而愈者卽多市瓜及攜米饋之或曰癘氣能染人勿入也不聽周行問所苦然卒無患有死者贈以櫬槨嘗出粟粟貸人至秋蝗食稼人無以償聚其券焚之縣令李讓爲請旌其家

張斯和字可禮章邱人父澤好聚書每對書燭蕭曰聖賢在是敢不敬與斯和生有至性以弟穎敏遂以家事自任使得肆力於學父歿哀與禮足母甚鍾愛之出未嘗不告與人交務謙抑推利弗居子友賢友諒共登顯秩

張斯立斯和之弟幼穎悟日誦數千言及長刻意問學無所不窺辟山東提刑按察司掾史獨被憲長甄獎擢江南行臺監察御史累官至戶部尚書出僉江浙行省事敷歷中外蔚有名卿之

濟南府志

卷四十八

人物四

吳

目大德初中書參知政事

張友諒字元樸號盤泉斯和之子由奉禮郎累遷吏部員外拜監察御史遷都水使浙江行省參政遷翰林承旨知制誥兼修國史致仕至正中復起商議中書友諒爲人湛靖敦雅汲引勤懇退見其人漠焉若無所及遇事盡言綜練政務時稱有幹國器

按友諒章邱舊志作友誼今據碑文改正

侯林濟南人其先以金世避亂來東兄弟三人仲生元元生林林善治生子五人曰亮曰安曰禮曰仁曰斌蓋至林始昌熾也仁欲伐石作先塋碑未果斌繼兄志張養浩爲撰文純用韓昌黎七言古詩法

安處士名宅字仁甫鄉平人家黃山下博通經史不樂仕進以耕

讀爲業年踰七十不入城市建遐景亭於宅畔建翠微亭於山椒日吟眺其中

按山東通志謂二亭一曰山朝一曰野市未知何本今其地有小碣爲處士所手製刻所自爲三詩其詩實言遐景翠微未嘗有山朝野市之目

張郁字威卿自其父始徙歷城早從事戎性直喜施有所得靡計多寡輒周急人郁十六歲卽任家務家甚貧貸於人賈江淮間以儉濟之又嘗驅驢走京師困極始乘販焉則下水焉則涉爲棄骨刺其趾血出欲乘則恐半塗而乏欲步則創痛不可忍其成家之難如此至治元年十二月病語其子養浩曰夫驕者貴之賊汰者富之蠹富而不汰則家必裕有位而不驕則貴必恒

濟南府志

卷四十八

人物四

四

今吾荷祖宗餘慶恐汝輩不能守故此戒之言訖而逝年八十三子長英次塞皆早世養浩其季也以養浩貴封通議大夫吏部尚書上輕車都尉濟南郡侯

張養浩字希孟郁之子幼有行義嘗遇人遺楮幣於塗追而還之方十歲讀書不輟父母憂而止之養浩晝則默誦夜則閉戶張燈竊讀山東按察使焦遂聞之薦爲東平學正游京師獻書於平章不忽木大奇之辟爲禮部令史仍薦入御史臺又爲丞相掾選授堂邑縣尹人言官舍不利居無免者竟居之首毀淫祠三十餘所罷舊盜之朔望參者皆感泣爲良民李虎者常殺人其黨暴戾害民養浩盡置諸法去官十年民猶爲立碑頌德仁宗在東宮召爲司經未至改文學拜監察御史初議立尚書省

養浩言其不便既立又言變法亂政將禍天下臺臣抑而不聞乃揚言曰昔桑哥用事臺臣不言後幾不免今御史既言又不以聞臺將安用時武宗將親祀南郊不豫遣大臣代祀風忽大起人多凍死養浩於祀所揚言曰代祀非人故天示之變大違時相意時省臣奏用臺臣養浩嘆曰尉專捕盜縱不稱職使盜自選可乎遂疏時政萬餘言一曰賞賜太多二曰刑禁太疎三曰名爵太輕四曰臺綱太弱五曰土木太盛六曰號令太浮七曰倖門太多八曰風俗太靡九曰異端太橫十曰取相之術太寬言皆切直當國者不能容遂除翰林待制復搆以罪罷之尚書省罷始召爲右司都事在堂邑時其縣達魯花赤嘗與之有隙時方求選養浩爲白宰相授以美職遷翰林直學士改秘書

濟南府志

卷四十八

人物四

五

少監延祐初設進士科遂以禮部侍郎知貢舉進士詣謁皆不納曰諸君子但思報效奚勞謝爲擢陝西行臺治書侍御史改右司郎中拜禮部尚書英宗卽位命參議中書省事會元夕帝欲於內庭張燈爲熬山上疏切諫帝大怒旣覽而喜曰非張希孟不敢言卽罷之賜尚服幣帛以旌其直後以父老棄官歸養召爲吏部尚書不拜丁父憂未終喪復以吏部尚書召力辭不起泰定元年以太子詹事丞兼經筵說書召又辭改准東廉訪使進翰林學士皆不赴天歷二年關中大旱飢民相食特拜陝西行臺中丞旣聞命卽散其家之所有與鄉里貧乏者登車就道遇餓者賑之死者葬之道經華山禱雨於嶽祠泣拜不能起天忽陰翳一雨二日夜則官復禱雨社壇大雨如注水三尺乃

止禾黍自生秦人大喜時斗米直十三緡民持鈔出糴稍昏卽不用詣庫換易則豪猾黨蔽易十與五累日不可得民大困乃檢庫中未毀昏鈔文可驗者得一千八十五萬五千餘緡悉以印記其背又刻十貫五貫爲券給散貧乏命米商視印出糴詣庫驗數以易之於是吏弊不敢行又率富民出粟因上章請行納粟補官之令聞民間有殺子以奉母者爲之大勸出私錢以濟之到官四月未嘗家居止宿公署夜禱於天晝則出賑饑民每撫膺痛哭遂得疾卒年六十關中人哀之如失父母至順二年贈摠誠宣惠功臣榮祿大夫陝西等處行中書省平章政事柱國追封濱國公諡文忠子二疆引疆先卒

按張文忠公子引官職不見於史而貢師泰等敘三事忠告

濟南府志

卷四十八

人物四

五

謂引字惟遠至正十五年來僉闈憲克濟世德今七聘堂內所刻養浩手書詩詞在十四年引皆有跋署云朝請大夫陝西諸道行御史臺監察御史知其歷官先秦而後闈也

于克明鄒平人闈畧有大節里黨服其伉爽歷宿遷滎陽二縣令至治壬戌爲觀城尹下車卽詢民俗宜興除者條諭之民有田九十畝爲館陶豪戶所隱占訟三十年親履其畝爲正之先是曹州假部符令濮州民納絲七百觔濮屬邑皆就曹市絲困於昂直克明詣所司辨正之歲省鈔萬餘勸民耕稼多樹桑棗榆柳凡三年鬱然成林歿祀觀城名宦祠

程益字光道章邱人至順閒進士爲國子博士與修宋遼金史遷監察御史劾宰相不報卽解官歸後復起爲廉訪司僉事

王文煜字章甫齊東人勵志勤學博通經史至順元年賜狀元及第任翰林院修撰歷陞內臺御史樞密院判文章政事爲世所尚祀鄉賢

宋紹明鄒平人父敬之揚州路總管紹明仕河南隴北道肅政廉訪使順帝至元三年春三月帝畋於柳林紹明進諫帝嘉之賜金幣紹明固辭帝曰唐魏徵進諫太宗太宗未嘗不賞也卿其勿辭

按宋氏墓道碑今尚屹立然字剝落不可識唯首書元奉政大夫揚州路總管贈正中大夫河南隴北道肅政廉訪使僉太常禮儀院事追封京兆郡侯宋公神道碑末行已半缺僅存至正元年及河南隴北道肅政廉訪使男紹明同弟紹清

濟南府志

卷四十八

人物四

五

立石

張可與濟南人律身廉正持法公平爲中書郎中先帝時一大姦以元惡受顯戮後二子貧緣入侍各授行省平章陸辭叩首言曰先臣在九原弗獲霑一命之榮敢昧死請上命左右傳旨中書可與不奉詔越數日上令丞相諭之曰聖意寵遇之深奈何可與曰朝廷欲行贈典必須雪其非罪若然則先帝不合誅之以先帝爲何如主哉丞相以聞上爲動容而止嘗以病在告都堂有人訴宗室謀逆奏送刑部問狀逮鞫有證驗而死於獄宗室之妻見上泣曰臣妾夫枉死上怒命御史臺鞫問丞相懼謀之可與卽扶疾至省取牘補署花押衆皆愕然丞相曰恐掾史所行有錯欲照畧耳可與曰自丞相以下皆當聽問何獨求免

耶旣而絨牘令掾抱詣臺臺官問曰張郎中曾書卷否曰然臺官議曰張郎中所行未嘗差錯況此一事中書得旨施行執法者何罪因覆奏曰臣等取省案根勘宗室某之死不枉上領之事遂寢

按此據陶宗儀輟耕錄載之張可與疑卽宏宓之兄弟惜佚其名九成書此事在順帝時所謂先帝蓋文宗也

彭敬叔字叔儀章邱人僉湖北憲致仕歸道遇兵亂爲賊所執使拜不屈賊剖其腹敬叔罵不絕口贈兵部尚書隴西侯

范忠字信甫鄒平人知孟州平賦役課農桑泐水汎溢隄決數百丈忠親督民縛土牛塞之復鑿溝以導潦水田乃有秋

李鐸淄川人爲膠水尹廉明威信雅重文學士民愛之會鄰郡饑濟南府志

卷四十八

人物四

善

省司選鐸乘傳賑之全活甚衆郡訟者皆來質成有去思碑傳成齊東人由儒士任學訓致仕時平章之叛使召成爲謀主成堅守臣節辭不從使者取其首而去

滕處士失其名鄒平人累徵不就故宅在滕家莊木石清幽極煙霞之趣

翟思誠母趙氏嬰疾思誠日夜侍湯藥衣不解帶母死哀毀廬墓三年

李國維淄川人由進士歷符離萊二縣令有清名早年鄰家有窖銀者兵後無人國維掩而不發

郭英字傑其先陽邱人後居濟陽惠迪信古素履思誠至正己酉以楮幣六千緡因故人路基提舉勾吳託鑄銅器百二十五竹

豆四十一悉送官藏諸廟學以備釋奠之需邑人囊加友爲作助修禮器記云

孫全禹城人純篤勤儉出於至性力田不怠家用漸饒喜賙貧乏貸錢粟不能償者爲焚其券隸名兵籍歷更戎行所向戰功多有勞績未及見用而逝太常博士劉道遠爲撰墓志

孫天民字可達濟南人至正間南康路總管平心治人有清節多善政建譙樓修學宮凡學由見侵者悉復之

劉時中世家歷城其先人嘗爲鄒魯儒官時中自幼隨侍不出庠序故於俎豆禮文之事甚習或與之言齊魯閒事如指諸掌及壯隨侍南甯以廩得永州東安尉繼爲永新州判安於貧而不求勤於事而不忽其斂於民若不得已其奉乎上若有所不及

濟南府志

卷四十八

人物四

善

官無廢事民咸安之

按時中不知爲名與字亦不知仕元何時其先人名字及歷官之詳皆不可考茲據李祁雲陽集劉時中序錄之

畢文質濟南士族由翊正掾外補昌平縣尹昌平近畿劇縣文質性慎重善操簡以御煩皆稱其材敏而廉平不苛民樂其業田里安於無事縣有谿水逕闌閘中霖潦暴至恒爲患文質規貨食券匠傭架石爲橋人皆利涉而民不知有役

潘昂霄字景梁號蒼崖濟南人世以文學顯元初爲文者氣萎爾不振昂霄爲金石例講明體制士經其指授者皆有法度歷事六朝官至翰林侍讀學士通奉大夫卒諡文僖子敏中

潘敏中昂霄之子好賢下士文雅有父風至正間爲饒州路推官

嘗平冤獄有神蛇之異天台陶凱作詩曰潘侯理獄市雪冤類神明又曰蛇兔涉幽怪事近猶足徵

按金石例有其子翊跋事在至正五年同時作序者皆稱敏中疑敏中卽翊之字也但舊志云翊官江西提刑理問與江西志異姑闕以俟考

李國鳳濟南人至正十年舉鄉試第一十一年舉禮部第一次趙麟時號鳳麟榜廷試三甲第三其歷官可考者十四年爲翰林國史院編修官十八年由治書侍御史同中書參知政事普顏不花經畧二十四年爲中書參知政事二十六年爲左丞史不爲立傳而所撰張宓神道碑及移濟寧路治記條達有法度元好問馬祖常數人外不能過也

濟南府志

卷四十八

人物四

蓋

按國鳳所作張宓碑有云先兄御史君其名字不可考

張謙字受益號古齋濟南人博學鑒古嘗爲浙江行省檢校

吳志淳字主一以字行濟南人工詩善草隸以父廕歷官靖安都昌二縣簿元季棄官寓鄆之東湖至正末執政奏除待制翰林命下爲權倖所匿志淳已在耄耋若不聞焉其詞章翰墨人得之不啻拱璧

歷城縣志云按吳志淳濟南人見浙江通志而明詩綜作無爲州人俟考

魏中立字伯時濟南人由國子伴讀歷官至陝西行臺御史中丞遷守饒州陳友諒之黨旣陷湖廣分攻州郡官軍多疲懦不能拒所在無賴子多乘閒竊發中立聞警卽率丁壯分塞險要戒

守備俄而賊至達魯花赤馬來出戰不能發一矢賊愈偪中立以義兵擊卻之已而賊復合遂爲所執以紅衣被其身中立叱之須髻盡張賊執歸斬水欲屈其從己中立大罵不已遂被害劉琮歷城人父久病盡賣妻與幼女飼父貲竭無措乃焚香請代父死書牒坎地理之遂得錢一窖出錢水湧父飲輒愈琮遂舍宅爲寺以得泉名季感泉寺曰季感寺

按季感寺已見太平寰宇記此或別是一事

王居敬長山人好學有器識操履端謹爲衆所推弱冠入仕歷臺省仕至通議大夫中書禮部尚書

王居敏居敬之弟以季友聞特詔旌表其門曰季義

張公直長山人精曉天文地理之學好吟咏隱居南村種植槐柳

濟南府志

卷四十八

人物四

美

成行人號其所居爲槐行累徵不起因賜金字旌其門焉

許輔字良佐臨邑人至元中授青州路總管己亥歲受詔勤王戰歿於陣

宋懷忠濟南人居喪以季聞旌表

牟克季濟南人居喪廬墓嘗表其閭

李恭濟南人散財周急天子表其門閭

齊子安平人寡言操行頗有古人風爲鄉里所推重至正初以人材貢于朝任平原令政尚寬平民懷其惠德澤綿綿代不乏

人爲平原右族號東齊氏其五世孫高由鄉舉歷陞岢嵐知州張名德字德懋淄川人仕至般陽路總管毛貴攻城名德嬰城固

守城陷被執不屈而死贈河南行省左丞諡忠襄

楊乘字文載濟南人至正初爲介休縣尹民饑散爲盜乘立法招之使自新皆棄兵願爲良民後累官浙江行臺左右司員外郎坐海寇掠漕糧舟免官寓居松江張士誠入平江其徒郭良弼董綬言乘於士誠士誠遣張經招乘乘曰良弼綬皆名臣今已失節顧欲引我以濟其惡邪且讓經平日讀書云何經俛首不能對乘曰與客痛飲竟日不言客問蓋行乎乘曰乘以小吏致身顯官有死而已何行之有經促其行乘乃整衣冠自經死年六十四

王逢梧溪集乘有遺訓戒二子卣卓云死生如晝必有夜何足介懷吾老矣獲全臣節死固甘心卣卓其以麻衣履殮歲祭蔬食此蓋晚年至願卣卓益宜修省勿遺人誚也卣蔭山

濟南府志

卷四十八

人物四

七

東宣尉司都事卓清忠書院山長

按史以爲濱州渤海人而王逢以爲濟南人所說兩歧然王逢爲乘同時人所言當不誤梧溪集有過楊員外別業詩中言憶昨佐南省四境正騷屑遂罹池魚禍適被柳惠黜寄身傍江潭乃心在王事末云荒郊無留影別業自深鬱時清擬勸忠公冤果昭誓此皆可以徵信者

陳埜僊歷城人至元閒爲鄒平尹勤心撫字役均事集境內大治以憂去民詣闕留之上允其請特授奉訓大夫

按陳埜僊歷仕在至元閒鄒平志謂至正年任故知歷城志所稱至元後至元也鄒平志云稱學禮賢不尚苛猛創立縣城祀名宦祠又載張述文創立縣城記至正十二年八月尹

歷下陳彥武命作城十月落成民咸稽首賀又載焦榮祖伏
生書院記至正十五年尹陳堃先建僊先一書互異而彥武
蓋其字也

張祖信字士誠章邱人臺憲掾累遷山東憲募長毛貴入山東被
執不屈抱節而死

魏誼字義甫號白泉章邱人暹亮有雅名累官歷福建鹽運使至
尚書

李敬簡章邱人博學能文與棗州教授朱持正齊名一時號曰朱
李文章

戴貞般陽人躬行孝友天子表其門閭

馬安字仲安新城人始充百戶隨千戶長山王公破鄂渚率眾先

濟南府志

卷四十八

人物四

五

登中統三年從征李璫有功至元十二年從收沿淮上下州城
破盱眙圍揚州追北至秦州戮力疾戰奮不顧身十四年授忠
顯校尉官軍都總把忠以事君與士卒同甘苦恭勤和惠行之
以誠久而彌篤

